

江山縣志

ル 5
3135
1



正
山
線
法

汪山縣志



重刊
汪山縣志

門 5
號 3135
卷 1

同治十年三月
歲次癸酉
文源書院開雕

重脩江山縣志序

辛未秋余捧檄來攝邑篆下車
伊始欲知邑之山川人物訪求志
乘數日僅得一帙詢其板則剝蝕
殆盡十無一存余怒予憂之攝紳
先生告余曰劉知幾不云乎以互
科條審定區域倘人思自勉則書
可具成序志籍以呈敬伏蓋籌議

昭和十四年
六月二十一日
購求

江山縣志

序

興脩余曰唯其時學博朱君實意
陶君漢東鐸須江相與聯名陳諸
列憲概蒙報可愛以孝廉朱望輩
甲人分司纂輯無何朱學博胡岳
瓜代余具牒留之俾綜其成因念江
邑居浙南圍崇山峻嶺綿錯紫繞
仙霞高峰插天岡壘起伏險要甲
於東南水則鹿溪文溪均發源

於江郎諸山迂回曲折匯入大江物
產有常民俗勤儉且多砥節勵
行之士殆由天地清泚之氣有以
鍾之當咸寧戊午己未間烽燧迭
見邑人持梃敵愾死難者二千有
奇維頻遭鋒鏑義憤益堅即婦
人女子亦能以禮義廉恥自持遇賊
而不辱於賊蹈死如歸其節烈

誠足以扶綱常翼名教以是而不為
之補遺訂隆發潛德之幽光非守土
者之過其誰過耶夫乾隆時遠今
事輯百年不為不久矣自輿地以迄
拾遺別為十二門不為不繁矣今則
綱舉目張燦然星列後之採風者
取是書鱗次而鬚數之於因革
揆益之宜救弊扶偏之效洞徹

靡遺且使前賢往哲代遠年湮
展卷如或遇之良由在事諸君子蜀
稽博攷不憚勤勞故時閱年餘即
觀其哀於成帙方今

聖天子道隆繼述

德威遠播銷鋒偃革禮教振興方略
館全書甫經告成近復有修輯

畿輔通志之舉 中丞楊公勤求治理

六以各邑志書有闕政事文表檄令所
屬採訪增修行見典章日盛區區江山
一志原不足以揚景烈播休風第披羅
遺佚採輯舊聞他日輜軒入境考
獻徵文或得編入史宬之中以垂不
朽則誠不但一邑之光云爾也

同治十二年歲次癸酉知江山縣事

榕城王彬撰



序

曩在武林聞仙霞江郎諸勝輒心嚮往之
今年秋承乏茲土甫入境見地勢雄踞田
野廣饒熙熙攘攘之眾率敦龐可嘉與都
人士接見大都砥礪廉隅不尚浮薄以視
往日所聞尤有進焉迨訪求治理則知邑
之志乘甫經前令尹王君籌議興修與諸

君子分任纂輯脫稿付梓越數日王君以志稿遺予其山水之秀麗人物之蒼萃與夫道里疆域人情風土展卷如在目前而其搜羅軼事表彰潛德無非以扶翼綱常為己任要不僅紀時載事網舉目張已也王君亦可謂留心掌故矣夫志乘之流傳關乎治化長吏固資為考鏡師儒亦因此

而濯磨往者兵燹頻仍文物典章什不存一有心世道者每致慨於山川猶昨遺緒因尋今採輯修明朗乎星列賢者知所法守不賢者亦知所鑒戒其足以振勵當世導啟後來者豈淺鮮哉予下車伊始適觀厥成既幸文獻之足徵而尤願與此邦碩彥互相惕厲扶名教飭倫常俾士習民風

蒸然日上以無負此扶輿磅礴之氣而益
增簡冊光也因書數語於編端

同治十二年歲次癸酉仲冬月權知江山

縣事華亭孫晉梓撰



原序

昔成周盛時內史掌八枋之法外史掌四方之志其後王
綱不紐五霸雄長勢已無周而猶惴惴焉環執牛耳以尊
共主爲名而不敢遂肆焉者豈力弗逮也史官在也志之
裨於治固如是哉故曰春秋成而亂臣賊子懼今之郡縣
之志卽外史所掌也江山入唐宋望縣迨今數百年而志
弗修蓋曠典也且以近日觀之士多知方嚮義有古遺風
時鄉里小民競豪侈相高喜告訐陷誣長吏俗以弊壞要
以鑒戒弗昭無所警勵耳晉陵吳亞夫以名進士例試外
得江山懲故轍謀泐新志屬草藁未定謂不敏是正余病

無能爲同事伍達夫強委重焉未卽事請益力余乃強疾
參訂芟繁就簡移事屬類去其不當載者什之三乃就編
志凡十卷綱釐爲八而條例其下首天文明天道也次封
域紀地理也次食貨重國用也次職官著政也次選舉表
人才也次人物章善也次典禮尊制也次宮室備民之用
也而以雜志終焉備遺也夫天道明地道著人道立而三
才之義於是乎備矣觀之者可以勸可以懲可以風矣君
子曰尹之功懋哉嗚呼俗吏惟私是急或縮于才一切政
務苟且何暇于志乃尹之至也會宗藩之變聞車駕南征
出常山常令缺上官恐倉卒不辦奪尹治常百責攸萃吾

恐其弗遑櫛沐而廼優游暇逸從事文事自非中有定力
而才足濟之能若是也乎尹己未進士立齋先生仲子也
英達而甚文其持已也厲風操凜然太阿不可犯其於政
也尤重風教建大義祠遷逸平書院諭禁城隍賽會毀活
佛殿十餘所皆卓卓關大節而又急乎此以風飭之江人
其庶乎化矣他日柄用其梗概不畧見乎
明正德歲次庚辰開化夢魚徐文溥撰

原序

北山子承乏江山下車無何披閱舊志見其體裁弗精會
通未一喟然歎曰修其可緩諸顧民瘼方殷焦勞惟甚未
之能及也既三載民用康和百廢漸舉乃以其餘力修焉
採諸輿議之長斷以一得之見削其所當削而增其所當
增詳其所當詳而畧其所當畧揆厥體裁其弗忒爾已究
厥會通其弗紊爾已志既成序其首簡曰維茲江山浙之
名邑也稽乎志之所載產於茲邑者名賢輩出道學如徐
公存德行如周公穎氣節如毛公注忠義如徐公應鏞徐
公揆毛公桌所立炳炳與日月並其明斯不亦爲百世之

儀型矣乎宦於茲邑者聲望相踵節義如趙公旦廉明如
孔公淮興學如陳公仲進剛執如王公進靖寇如劉公松
所垂卓卓與山川偕其久斯不亦爲百世之軌範矣乎夫
世有古今道則無古今人有古今心則無古今鈞是人也
則鈞是心鈞是心也則鈞是道故曰人能宏道非道宏人
又曰苟非其人道不虛行是故所以宏之也者所以行之
也者亦在乎求之心而已矣心乎道則至乎道矣孰謂古
今人真不可相及乎哉是故爲江之學者觀斯志也而感
其心以篤其學尙友前修切磨匪懈則存之爲道德發之
爲事業增休光於無窮者將有在矣余深望之若余之不

敏雖勉策周行而學術疎淺行弗逮志不無餘愧乃按斯
志之迹而以心焉神之用以光大其烈並驅前軌則余兢
兢之心固將俟乎後之君子嗚呼知乎此則知志之繫乎
邑也甚重而余之修之也亦甚不輕矣若夫襄贊纂修之
功則主簿陳學教諭譚景韶參互考察之功則訓導蔣爵
張琛生儒鄭思仁伍聰也法得並書

明嘉靖歲次甲辰知江山縣事金谿理夫黃綸撰

原序

江山故名邑也其山川原隰之峻且駛人文財賦之都且繁
遑遑爲諸君子所過化微懿景鑠齒有餘芬壬戌夏不
佞承乏於斯實滋廩廩思抑曰已事之不忘後事之師也
亟求邑乘鑒鏡之迄徧詢故老不可得夫江山也乃邑乘
獨寥寥缺典哉竊聞之國有史郡邑有志兩者蓋並重云
矧歲月更於上人事變於下祥和氛祲不能齊沿革損益
不能一俗尙醕駁不共調豐耗奢儉不共習則山原異壤
閭巷異制輿地胡可以弗志戶口繁夥滄海桑田貢賦胡
可以弗志解宇肇興巒宮魏煥庠廩防禦之兼設建置胡

可以弗志甲第雲蒸蜚英騰茂簪紳奮蹟闕闕承恩選舉
胡可以弗志忠孝炳日星節義劓冰雪操觚染翰者擅風
雲月露之奇博覽洽聞者盡恢詡奇異之變行誼文章胡
可以弗志至鍼砭勸誡勒先謨憲來禩如某也繁棠署之
陰某也添芹藻之色而使當事者有餘思某也樹誠正之
標某也端修齊之範而使居鄉者競向往不則舍家尸而
戶祝則其人與名俱泯泯無傳矣不則暗品題而寒月旦
則其人與骨同草木而朽矣官師人物又胡可以弗志志
之所繫甯不與國史並重哉胡爲宜志而久不志也將吏
茲土者風塵馬足奔走之不遑使節簿書酬對之不及耶

抑妍媸蒼素之難辨道傍多口之難調恩怨嫌疑之難杜
而秉筆者乏三長贊承者鮮公道耶嗟乎開誠布公集思
廣益盡之矣余固非其人然志則胡可少者未幾適我郡
侯林牧伯公慨郡志之久蕪一旦起而釐新之風勵所及
私心益自不容已遂儼然造臚唱藿心徐先生之廬而請
先生不謂余非其人也唯唯焉江邑於是乎有志矣志成
如所稱輿地建置田賦種種棊布而臚列綱舉而目張而
官師人物二志則採諸輿論斷以公理卽先生亦非所能
專不佞可知已後之吏茲土者庶幾有所鑒鏡歟如曰志
無全書未免掛一而漏萬夫業已有志矣公論久自定何

患乎雖然知我罪我尼父且無辭於春秋余何人也敢以
不敏謝臯鑿哉第謂志必不可無而博詢之日復得前令
蔣九觀公志稿於藏中且爲今蔣太史所潤色者金馬步
鰲蚤聯其袂矣是舉也總其事者藿心徐先生贊其美者
邑博張君大基龔君應科許君繼善刪訂則孝廉鄭世熙
協理則貳幕謝君昌張君文芳黃子倫分局纂述則弟子
員施于國璩國賢胡大經較閱則弟子員程廷貞而董其
役者邑耆徐實王修也例得並序

明天啟歲次癸亥知江山縣事廣西張鳳翼撰

原序

江山越之東南偏也其野揚州其星婺宿其山錦文其泉
須女其交閩楚其隸太末粵自漢朱會稽唐白傅品題遂
重浙上游而先正徐逸平徐正節周鴻臚毛端簡趙中丞
徐方伯諸公軒然與山川相盪麗至今猶得景其芳躅而
弔其軼事適輿圖之縈紆道里之疆域戶版之登耗土俗
之腴磽馴梗總總泱泱厯可羅縷則厥志以耳唐宋置邑
迨我朝紀乘固缺焉正德庚辰志昉於前令吳亞父嘉靖
甲辰黃令北山繪續修之蓋披籍而臚分軫畫若列眉也
逾今庚六甲春秋矣山川猶昨風景滋赫雉堞蕭迄乎崇

江川縣志 卷之四
一
墉區署更易乎費構石梁肇堤於西南舟梁載建於東北
倉社基置於閭垌塔閣鼎峙於原麓令丞簿尉行居連轂
掌故博士前後司鐸譽髦通籍甲昌乙嗣象魏沿革曷仍
今盤叢如絲棼煩如蝟集卽舊志攸存增飾補次擷采已
多矣揚子之言曰當身之事或聞或見萬不識一目前之
事或存或廢千不識一夫是尙不能無漏佚而矧其舊筭
湮如也先君子承事於江首稽之公帑旣詢之學士薦紳
鄉三老竟無能覩其殺青斷簡數年迺得全帙於民間而
漫漶甚矣先君子用是思恐江志遂飽蠹魚至後泯滅無
徵也卽圖載筆登之鏡版顧邑當越閩孔道什八錢穀什

三期會什六簿書靡監鞅掌不遑校覈而邦乏典型不任
視草又適與旱澇會羨金發賑公緡如浣且領賑事單車
出入村落間方急百姓之卹旋有遷命遂不果纂梓公餘
命德璟與伯兄德瓚繕書成帙疑信參存藏之長府然初
心則闕甚也是歲之春毛友元敬辱以通家誼不遠千里
趨弔先君子因言令君張岐陽政事之美茲方纂縣牒以
付梓人德璟卽在苦塊中不勝躍躍夫珩璜之璞浮筠可
達赤水之珠謾詎不得先君子僅有是心乃荆野未理之
璞不致爲罔象莫探之求者則張令君之力也先君子藉
手以垂不朽者多矣敬裁數語以附於編端

江山縣志 卷之六 前
明天啟歲次癸亥晉江蔣德璟撰

原序

邑有志蓋與國史相表裏云非借以弄毫穎供塵譚已也其法摹郡乘而採取較詳覈鄉評而權衡必當昭信史也須江夙隸姑蔑在昔舊志僅有存者矧今距修志之年僂指復八十期矣邵子以三十年爲一世數以倍之而又贏三之二其間官政弗悉文物弗章忠孝節烈之行弗載有識者愾焉歲壬戌際皇上龍飛二年初服嗣德中外臣工咸對揚休命夏月我岐陽張公適來令江山皇風穆穆吏治蒸蒸蓋翻然一新矣公甫下車卽胝地輿濬泉脉鐸庠序哺孤惇清獄緩征釐好剔蠹旬月百廢俱興旣乃留心

邑乘而徧覓無存問曹胥以鈔梓所自藏則曰已滅矣已失矣張公蹙然謂當吾世而散軼若是日復一日後之人縱欲藉手勸懲而誰爲高山誰爲前車耶時卽爲余道及此越秋郡伯負蒼林公釐新郡志移檄五邑令各修實錄張公欣然曰此吾志也欲屬余董其役是時余尙廬次山中公遲之仲冬余抵家復遣人來葵辭以不文且以同事者爲請公復自枉顧諭之曰爾鄉髦哲或養高泉石或奮志書帷惟吾子讀禮甫畢王事未躬強爲我輯之余不獲辭則對諸廣文諸佐幕曰是役也紀人紀事有張父母之筆削在若潤色鋪張昌昧任之因覓舊志而簡編殘斷不

可讀淡旬弗獲全書迺姑就蠹簡中冗者刪之缺者補之續以八十載遺事副以庠儔耆碩之力其規制體裁一惟張公所命焉月餘而橐成先輿地紀勝概也次建置定經制也又次籍賦而後秩祀則富教之旨也又次職官而後人物則名實之稽也次雜志以廣肆見聞次藝文以鼓吹休明綱釐爲八而敘列其下一邑之志備矣上其橐張公曰是可爲信史矣亟付之梓噫公之才識洵有大過人者哉夫世之傳郵其官者無論已閒或留意纂修又姑待其暇待其暇而轉盼遷秩卒付之後人志之修也等河之清矣公蒞政甫月餘輒毅然爲已任且念時詘舉羸捐俸以

襄厥事非長材卓識能當此而滿志乎余幸躬其盛僭筆
之一以志冲聖嗣服之初一以志張公先務之急使後之
令是邑者知此時聖主賢臣相得益彰云爾
明天啟歲次癸亥刑部郎邑人徐日葵撰

原序

江志之成也將付梓邑侯張父母以示不佞曰偉哉一邑
之觀也不佞閱之不覺怡然暢旣俯而嘻卒穆然若有思
也張侯曰何爲其然也熙曰夫志非集舊聞已也彰往以
勵來有重焉者矣天地山川兵農賦役風土食貨之志勿
可遺也而非所重也夫地之重以人邑有人焉雖小重也
無人雖大輕也故志之於人也漏一則失重濫一則貶重
疑一則損重其可弗慎也哉大抵文事烟雲而旂常鐘鼎
則以實傲之不逮節烈千秋也理學出而又土苴矣此大
畧也而有閨貞焉有隱淪焉有技術之精焉有仙釋之修

焉得其人皆邑光也徵其實悉邦獻也而茲憑大力定之大識裁之而又故老稽之輿情協之典制規之一息千古之懷其勿暢矣乎顧余從計偕自南抵北低徊齊魯之鄉憑軾閒覽而口不暇舉目不暇接登泰岱之宗望溟渤之墟而以須水江郎傲睨其間其與之爭勝乎其不與之爭勝乎嘻末矣雖然纍珠萬斛未若一夜光之珍言貴精也無瑕出而似玉者遠跡矣言貴真也世多名勝而壁石柱天清流橫帶未有須水江郎之奇者夫其蓄產人文亦若是已唐宋以前若存若亡或羽翼孔孟或扶植倫常或著績於廊廟或砥行於閭閻邈乎尙矣至若近代名賢輩出

專軸分藩後先相望然皆能以誠立以正持以古人自許若卑論儕俗俛仰取給則耻之因是以思吾邑風概有不產產則其品也夫天地之生患其無品豈天地之大患其無產哉美種之地且需蓄發耳今幸際明侯振鐸之始百度維貞而我侯之志又不在于與古之循良爭理而在與一代之斯文爭統以此培之甯有既耶卽是役之興以激以揚目前浮幻死後芳馨田夫野叟辨之矣而謂甘以枯骨與草木同腐哉則顯修其所未修隱志其所未志雖以江郎當泰岱須水當溟渤奚讓焉是殆不能已於無涯之思也張侯曰然夫志百世之業也惟子之言亦百世之規也

願與諸君共勗之

明天啟歲次癸亥邑人鄭世熙撰

原序

康熙三十六年秋余甫令茲土萃邑中諸父老而廣
諮博訪焉咸告余曰江邑古沃壤也民殷富人肩摩
廬舍鱗次商賈輻輳自小醜蠢動實徧處此以蹂躪
我疆圉而向之熙熙攘攘者倏一變爲荒寒淅瀝之
區矣幸

王師壓境羣兇投首吾儕小人從此復業而休焉迄乎
今茲始稍稍安集而回思曩時之盛忽忽若昨日事
吾儕固親見之而猶能歷歷言之余聞而憫焉因撫
膺歎曰民生未遂民俗未淳長吏之憂也退而自念

謂令一邑者當知一邑之事凡疆域之縱橫山川之高下原隰之肥磽以訖土俗民風建置沿革皆宜洞悉於胸中若燭照數計然後措之政治所在咸宜而備其事者莫若邑志因於簿書之暇取江邑之志而觀覽焉僅得殘編斷簡歲久侵蝕漸次漸滅心竊憾之第以政教未孚不可以語文事以故修輯之任有志未逮今與須之人士休息者又數年矣我

皇上至德洋溢窮陬遐谷罔不沾濡已卯之春

翠華臨浙蠲租肆赦頻

勅封疆大吏多方撫綏一時大小臣工各思靖共厥職

仰答

休命四海清晏萬物熙皞父老子弟不見兵革已數十年是天下之昇平久矣會

國家治定功成方纂修一統志由是郡縣次第告成而江邑紀載獨爾缺如非所以傳盛事廣景烈也爰是僭兩博士及鄉衮庠彥取舊志考訂之上而天文下而地輿賦役食貨典禮災祥之類無鉅無細詳陳備載至若人文吏治忠孝節烈其足儀型奕禩興起後人者爲之流連而三復焉雖然余竊有感矣夫志猶史也作史不易修史更難江邑之有志自勝國以來

上下數十餘年廢然莫舉其間名賢義士潛德幽光
世不及知知不及傳者指不勝屈其幸傳者或以鄉
評推重或以遺愛流芳固公論之在人心彝好之不
容泯者而忍令其湮沒無聞乎古人云善善欲長余
今日者亦惟使三代之直道於茲不墜信者徵之疑
者存之一一準諸舊志而不敢以臆見爲進退焉豈
敢云志也卽史乎哉聊令一邑之軼事文獻常存異
日輶軒入境博採風謠或得附於一統志之末以傳
不朽余願與須人士共勉之矣

康熙四十年歲次辛巳知江山縣事休甯朱彩撰

原序

已丑夏余捧檄至吳門胥徒至者卽抱邑志以進手
其編次簡甚心竊訝之是邦其素乏文獻與胡記載
若是之寥落也洎披覽科名諸卷若宋若元明人文
蔚起琳瑯瑯焜耀前後顧獨書闕有間文章行誼
不少概見意必有脫畧泯沒於刪訂之手者時竊以
採輯修明之責爲已任已而退復自揣周禮誦訓掌
道方志以詔觀事掌遺方厯以詔辟忌以知地宜夫
觀事者觀前事也辟忌者辟風俗之所忌不拂人性
也古人於此必以備官掌之夫豈細故疴癘丈人之

承蠲也累九二而不墜則失者錙銖累三而不墜則失者十一累五而不墜猶掇之也余一丸未累而欲爲前之所爲則亦河之鑿海之塞而已矣其爲緒使物絃而日昃不遑夫何論比至邑學博朱君長白聞談及邑志則感慨係之謂是志踳駁固多而架漏猶甚顧安得搜羅修飾以爲一邑光余扣其所蘊實承蠲手也官雅與誦訓等會有修城之役不果越兩載城事竣邑人士周生三宅毛生一清王生增錦鄭生維城王生蘊生鄭生爾澥姜生日肅周生賚纁以輯志請宋君遂肩其任不數月手其卷錄以示天文星

紀多所辨駁釐正義例精詳考據該博凡前賢之著作建豎復蒐集校讎無遺議他皆視此莊子曰知天之所爲知人之所爲者至矣又曰知是解者旦暮遇之也長白之知天知人爲何如而余得旦暮遇之抑何幸哉抑何幸哉

康熙五十二年歲次癸巳知江山縣事武陵汪浩撰

原序

武陵汪公蒞治之明年嘗以邑志之蕪穢爲慮將有事於纂修者余未有以應也又明年而公謀諸邑紳士則交口丐公釐定之遂以舊志之僅存者畀余以卒業余一再辭謝不獲命因進而言曰公亦聞夫曾子之食魚乎公乃靦然而笑曰夫何謂曰曾子之食魚也有餘潘門弟子請曰泔之乎抑與之也曾子曰泔之曰泔之不若與之之善也曾子喟然而歎曰其以我爲有異心乎夫斯邑故有志矣羣言噂沓折衷無由如必改弦而更張之將何途之從以報命公曰

子姑與門弟子圖之亦問其孰爲泔而孰爲奧也夫何患未幾而柴子自挺毛子一清周子允協輩踵躡校而言曰敝邑之有志也撫拾於兵燹之餘而煽惑於愛憎之口狗名失實非諛則誣今夫子之爲是役也將舍舊而圖新乎抑姑取已陳之芻狗而丹黃篋衍之也曰而不聞揚子之言乎通天地人者謂之儒通天地而不通人者謂之技斯邑故有志矣星野之勿辨失諸天沿革之未詳失諸地典章事物之龐雜而無稽也失諸人使余左執璇璣右操禹步以求兩儀之吻合則未能若夫徵文考獻以蘄當於筆削之

旨甯二三子耳目之所覩聞者不余畀而恡諸於是諸子唯唯而退越旬日各以其旁羅於掌故者進核以羣書參以輿論則鱗次而鬣數之以佐烹鮮之具至於因革損益之宜起敝扶衰之效公固得諸心而應諸手矣余亦何所庸其喋喋爲柴子年逾八十於此邦爲祭酒而毛子卽黃大中丞所旌衢善士也周子壯而敏其搜訪爲尤力云

康熙五十二年癸巳江山縣學訓導山陰宋俊撰

原序

邑志之作其於宰是邑者爲尤亟乎履其地撫其人山川廬井磅礴殷賑農服先疇士食舊德觀政卽於是矣江山有志自明始在正德則有吳亞夫仲在嘉靖則有黃理夫綸在天啟則有張秉瑞鳳翼在

國朝康熙辛巳則有朱紹亭彩癸巳則有汪東瀾浩繼是無續修者聞考前志頗乖體例如輿地志之有星野建置志之有演武卹典秩祀志之有生祠特祠職官志之有幕屬師儒宦績一物產也或以入國計或以入雜記一風俗也或以入輿地或以入拾遺創立

名目強爲區別畧舉大凡類不可曉其中承誤襲謬
更多未有以正之焉余以乾隆丁亥宰是邑地當孔
道簿書旁午無敢自逸不暇爲纂述之謀又不文雖
心訾其陋蓋闕如也癸巳歲陸解元筱飲來主文溪
講席逾年諸紳士以修志請余欣然爲倡遂延陸君
主其事更定類例參考史籍補闕訂訛閱歲迺成江
山自經兵燹之後故家先籍罕有存者文獻是徵慮
其不足然虛中商確援據精密以視前志事勞而功
倍矣夫人薄遊所止興情偶寄探勝地之幽遐訪遺
蹟於湮沒摩挲金石捫踐煙蘿且託諸詠歌以志不

忘况久吏於斯習其風土而稔其人情出入有如里
居親愛猶吾一家尤有不能忍置者歟且夫

聖天子右文崇古旁稽博考勒成四庫全書立千古文治
之極軌則雖山圖海錄尙將亟爲採葺用佐同文之
盛是志也豈特一邑之光也哉雖然余宰是邑十年
矣年穀時熟四境謐如蓋有天幸今雖邀譽上官膺
卓薦而求可以附循吏之末得藉以不朽者無有也
是則余之有愧於志也

乾隆四十一年丙申知江山縣事長洲宋成綏撰

凡例

一 脩志宜仿脩史例提綱挈領以便省覽茲將總綱分
 十二門析目五十有四其附載者俱分別註明庶綱
 舉旨張開卷了然

一 十二門首輿地紀職方也次沿革定經制也間閭樂
 利 國計攸關故食貨又次之既富則學校宜修崇
 祀則禮秩宜講職官備而政事舉選舉恩榮大典克
 邀人物盛而民俗恬婦節女貞世風丕變他若藝文
 以資攷證拾遺以備見聞條分縷析始堪垂後故不
 憚詳採

一宋君舊志謂邑志但志一邑非是邑專屬弗志可也
然 文廟樂舞偏隅難以盡悉為士子者不可不知
茲特照汪君舊志補入

一名勝題詠統附本項下如江郎山詩即附江郎山後
餘做此其詩文無門類可歸始入藝文

一古籍人物原兼閩閩而言今以儒林忠義諸項屬人
物而另編列女一門於體裁較為謹嚴

一納粟入監雖列成均究與臨場取中諸貢生不同此
次概不濫載即或名登仕版亦祇載實職不列虛銜
惟舊志已登者仍之

一時賢著述概不輕錄其有關世道民風者採入一二
以備考鏡

一宋君舊志於汪志所收藝文刪汰過半其間足徵典
故者亦尚有可採爰合兩志參酌宜補則補宜刪則
刪但求信以傳信而已

一往昔遺壘古蹟同垂氛祲灾祥炯鑒攸賴至有事能
徵實可佐塵談者雖散見於稗官野乘亦為採入統
歸拾遺志於考証未必無小補

一志內所引各書及歷次舊志俱於徵引處標明來歷
有附參已見者加一按字以分別之

一附載詩文及各宦人物列女各小傳舊志概用六字
茲悉以雙行小字繫之庶易循覽

一志內詩文有字句與前志不同者皆考覈原本於各
條下註明

（此處為修志說明之續，文字較淡，難以辨認）

編輯姓氏

纂修

同知銜署江山縣知縣 閩王彬

同知署江山縣知縣 華孫晉梓

前署江山縣學教諭 山朱寶慈

分纂

國子監典籍銜署江山縣學教諭 嘉陳鶴翔

教諭銜江山縣學訓導 會陶謨

協修

舉人 候選教諭 朱鋈

拔貢生試用訓導 王開壽

舉人揀選知縣 王佩鑿

舉人內閣額外中書 鄭暉吉

參訂

生員議敘入品職銜 王以鎮

拔貢生考授縣丞 王振鏞

生員保舉訓導 汪敦厚

國子監典簿銜 毛晉翰

恩貢生前署錢塘學教諭 姜桂芬

歲貢生候選訓導 何杰

廩貢生 鄭幹年

生員 陳旭

廩生 王錫珪

歲貢生 毛以雅

布政司理問銜五品誥職 姜振麟

武生 王開泰

監生 五貢品 誥職 毛協庚

監生 鄭鵬年

監生 柴毓芹

分校

附 貢 生 王振麟

生 員 六 品 銜 姜桂叢

生 員 毛玉峯

歲 貢 生 王宗杰

增 生 毛培堯

歲 貢 生 何錫霖

歲 貢 生 徐升鰲

廩 生 何 榮

生 員 翰林院待詔 銜 鄭鸞年

廩 貢 生 候選訓 導 鄭昌年

歲 貢 生 毛華年

恩 貢 生 何 榮

廩 生 金德培

增 生 姜鴻鈞

生 員 周作求

生 員 劉鏡蓉

繕寫

生 員 何崇韓

生 員 王炬輝

生 員 王詠春

生

員

毛慶蕃

監

生

王時恕

監

生

楊錦江

江山縣志目錄

卷首

圖考

卷一

輿地志一

星野

輿地志二

疆里

輿地志三

山川

附岩洞園嶺溪灘

卷一 下

輿地志四

關津 附橋渡

輿地志五

水利 河池井泉陂塘堰

輿地志六

風俗

卷二

沿革志一

建置

沿革志二

城垣 附街坊亭巷墟鎮鄉庄

沿革志三

公署 附郵館鋪司養濟院育嬰堂棲流所

沿革志四

兵防 附塘汛營寨

卷三

食貨志一

戶口

食貨志二

賦役

食貨志三

倉儲 附蠲賑

食貨志四

物產

卷四

學校志

學宮

附名宦鄉賢忠孝貞節各祠 學額 學田

書院 義學

卷五

秩祀志

壇廟 附寺殿庵觀院閣

卷六

職官志一

文職

職官志二

文職

職官志三

武職

職官志四

名宦

卷七

選舉志一

薦辟

選舉志二

進士

選舉志三

舉人

選舉志四

貢生

附舊志監生

卷八

恩榮志一

戚畹

附選侍

恩榮志二

封贈

恩榮志三

廕襲

恩榮志四

仕籍

卷九

人物志一

江山縣志 卷之首 四

儒林

人物志二

名臣

人物志三

忠烈

人物志四

武功

人物志五

循良

人物志六

介節

人物志七

孝義

人物志八

文苑

人物志九

隱逸

人物志十

耆壽

人物志十一

江山縣志 卷之首 目錄 五

流寓

人物志十二

方伎 附仙釋

卷十 上

列女志一

節孝

卷十 下

列女志二

節烈

列女志三

貞孝

列女志四

貞烈

列女志五

孝婦

列女志六

壽母

卷十一 上

藝文志一

制敕

藝文志二

奏議 附申狀詳文

卷十一 中

藝文志三

文辭 碑記 傳文

藝文志四

文辭 序 贊 銘 書 跋 祭文 誄詞

卷十一 下

藝文志五

詩賦 附詩餘

卷十二

拾遺志一

古蹟

拾遺志二

冢墓 附義塚

拾遺志三

祥異

拾遺志四

叢談

卷末


目録

邑人著述書目



舊志纂修姓氏

附刊修輯志書告示

江山縣志圖






江山縣總圖




縣城圖

漸山







文廟圖



浮山縣志
文溪書院






浮山縣志



卷之八

五



江郎山











仙霞













鹿溪





須女泉






江山系云

卷之四

五




石魁潭


江山系云

卷之四


六



仙居瀑布



江山縣志卷之一



江山縣志卷之一 上

輿地志一

古者度地制域凡所以辨星土計廣輪制虞衡通商旅以及控扼之險宜洩之利俗尚之敦雖蕞爾邑皆按籍可稽况邑為浙邊隘閩通衢固稱東南輿區者

歟志輿地

星野

星紀吳越也 周禮春官保章氏註

須女四星亦婺女南斗牽牛須女皆為星紀於辰在丑越之分野而斗牛為吳之分野 史記正義

江山縣志 輿地 星野

斗江湖牽牛婺女揚州

漢書天文志

吳地斗分野也今之會稽九江丹陽豫章廬江廣陵六安臨淮郡盡吳分也粵地牽牛婺女之分野也今之蒼梧鬱林合浦交阯九真南海日南皆粵分也是則斗牛女之分野所占甚遠即以全浙而言尚不足以盡禹貢之揚州漢之會稽郡况以今一郡一邑指為牛女分野乎特以其地亦屬牛女之分內則亦不得謂之非牛女至牛女之為吳為越或分或合皆可不辨據隋書地理志金華為婺州以天文婺女而名而唐之衢州又以婺州析置因之置須江縣此須女之說所昉也

漢地理志

自斗十一度至婺女七度一名須女曰星紀之次今吳越

分野

後漢書郡國志註

自斗六度至須女二度謂之星紀之次越之分野

後漢書律歷志

斗牽牛須女吳越揚州

晉書天文志

禹貢揚州之域當磨蝎斗牛之位列婺女星之分野

吳地記

兩浙路當天文南斗須女之分

乾道臨安志國史地理志

衢州府禹貢揚州之域牛女之分

清類天文分野之書

牛二度衢州府西安江山二縣入二分之六女二度衢州

府龍游常山開化入七分之八

內緯秘言

江山本衢支邑原隸兩浙浙古會稽地也晉分野志謂會

稽入牛一度而浙省通紀則概云屬斗清類天文書又謂衢州自牛五度至女三度夫斗與牛女俱在丑宮實元枵之次而江山舊志專係於牛余錫又謂當在於女以須女泉爲証按天文志謂泗水入女一度而二度已過子宮則又星紀之次矣一度相去二百五十里或云四百里或云二千九百三十二里兩朝天文志謂牛宿去極一百八度半女宿去極一百四度半則斯邑之屬牛屬女安得以管窺定之左傳魯昭公十年有星出於婺女裨竈指爲齊薛之占則知女星十一度所該者廣又不得泥以須泉之名也一行謂星之與土以精氣相

屬而不係於方隅者此說近之

汪浩星野辨

按十二次所屬子爲元枵丑爲星紀據辨斗與牛女俱在丑宮實元枵之次而下謂女二度已過子宮則又星紀之次子丑互易恐有誤字識之以俟考

起斗十一至婺女七本陳卓說起斗六至婺女二本費道

說

宋成綬志

古測衢州牛女分野今測衢州斗四度

宋成綬志

縣在府治西南七十里東西廣一百三十里南北袤一百
 三十里浙江通志 衢州府志去府治七十五
 里東西一百五里南北一百六十里
 東三十五里至本府西安縣界紆溪源青山西七十里至
 江西廣信府玉山縣界粟木南一百二十五里至福建
 建甯府浦城縣界小竿頭嶺底縣志南抵浦城縣界小
 竿嶺底一百三十五里
 北二十五里至本府常山縣界竹荆東南一百里至處
 州遂昌縣界東磧嶺底西南九十里至江西廣信府永
 豐縣界巖後東北三十五里至本府西安縣界後溪縣志

輿地志二

疆里 附形勢

縣在府治西南七十里東西廣一百三十里南北袤一百
 三十里浙江通志 衢州府志去府治七十五
 里東西一百五里南北一百六十里
 東三十五里至本府西安縣界紆溪源青山西七十里至
 江西廣信府玉山縣界粟木南一百二十五里至福建
 建甯府浦城縣界小竿頭嶺底縣志南抵浦城縣界小
 竿嶺底一百三十五里
 北二十五里至本府常山縣界竹荆東南一百里至處
 州遂昌縣界東磧嶺底西南九十里至江西廣信府永
 豐縣界巖後東北三十五里至本府西安縣界後溪縣志

作三西北四十里至本府常山縣界馬駒衢州府志

縣境在衢州府西南去府城八十里去省城杭州府七百里去京師四千五百里縣境西比縮而東南贏西北多一田而東南則皆山也汪浩志

太史公曰天則有列宿地則有州域江山既以須為邑名所自始則當知須女即婺女也金華古稱婺州而徽州有婺源縣豈在此以須著而在彼又以婺名耶刻度難以臆測而封畛可以形求合斯邑之四維而總計之儼然古大國之郊圻也而說者謂置斯邑於三衢之末以回視全省猶區脫也然地據上游有高屋建瓴之勢以

斯地而捍蔽全省不猶咽喉之達於榮衛乎操七閩之關鍵鞏兩浙之樊籬而後腹背手足元氣始充溢於其中然則在疆域之內者當知民物於是乎生財用於是乎出禮樂刑政之屬於是乎綱舉而目張其必交修乃職以蘄合乎調劑之宜而後可汪浩疆域論

江邑左溪右山僻在山谷中南達閩西抵信東走括蒼其途蓋旁達焉毛愷石城記

漢唐以來饒信有警軍鋒被於兩浙者往往先及信安唐乾符五年黃巢破饒信歙等州轉掠浙東因刊山開道七百餘里直趨建州說者謂巢所開道即今仙霞嶺路

也自仙霞嶺關而衢州之形勢尤重矣宋建炎紹興諸將削平江閩羣賊往往戰於仙霞南北元明之交處建衢三州尺寸之間皆戰場也國初大兵由溫處間道捷出閩疆而山藪峭聚多出沒於此康熙十三年閩逆與滇黔賊黨相為影響率其徒旅疾出仙霞旁齧處信兼及歙婺則其為浙閩之險何如哉

大清一統志

高峯深谷峻絕修阻為閩浙之要衝作三衢之屏障浙江通志江山據浙上游為七閩孔道西達豫章東抵括蒼界連三省高山深谷險峻莫與京焉縣南仙霞嶺實為大江以南諸郡邑之祖山蜿蜒磅礴萃於金陵旁分一枝結為

縣治萬山環列奇峯明媚往往多仙靈窟宅其水則從石鼓山發源至峽口匯括蒼柘浦諸派至禮賢鎮為文溪過清湖鎮至城東為鹿溪潏繞東注合金川至於府城之西為澱溪蓋地勢獨高故山峻而廉水清而駛視

五邑為最云

汪浩志

浙東入閩道險而狹迤邐千里巖嶨糾紛不逞之徒往往跳穴其間內可以聚糗糧下可以伏弓弩緩可以肆剽掠急可以遠遁逃以故浙閩之交多寇盜好作亂長吏不敢問將兵者難撲滅地險然也愚按江山固為入閩之路而左據括婺右通饒信實為三省要衝明季礦龍

之寇豕突鴟張率由於此順治初年鄭之豹魏福賢諸賊帥雖自閩來而楊文管應諸白寇已自九仙山蔓延於永豐玉山之境四方慘劫盤踞多年迨甲寅耿逆之變復從仙霞關出括婺饒信處處動搖非李文襄身佩安危之寄三衢未易定也今礦害雖無而繼龍以射利者其弊已伏於蘇蓬大約流移雜處閩人居其三而江右之人居其七日引月長岌岌乎有反客爲主之勢綢繆陰雨當先事而大爲之防已

谷應泰形勢論

按邑以小竿嶺爲祖山蜿蜒百里許至縣西南斜馱嶺分支趨坳頭歷早坂經樟山降迄鰲峯逶迤而下穿田入城結爲縣治汪浩志所謂旁分支者乃斜馱嶺之旁非仙霞嶺之旁也

江邑南通閩東近處西連豫章而北又捍衢城實全浙咽喉也粵匪壬戌之亂僞侍王李世賢由金華龍游上犯衢州旋薄江山屯踞東北兩鄉意在闖入江西時左恪靖伯方攻克遂安檄李方伯元度嬰城固守堅拒東路而自於二月十八馳抵常山派隊向北堵擊三月初五賊南撲峽口閩營自清湖花園岡江郎街上至峽口鳳林皆賊踪也左伯以地可達浦城龍泉廣豐玉山此處有失大局難問飭道銜知府劉典督軍先行約李方伯會勦初七日行抵新塘邊偵知侍逆結壘花園岡次早分路進攻焚其兩壘直逼李世賢壘世賢遁十八日左

伯親督各軍分左右路攻賊巢鎗礮如雨之中肉薄壘下因天雨賊壘垂破復完二十一日賊復糾巨股於石門前面築壘七座次日官軍至石門盡踏平之隨逼攻花園岡賊柵賊猶死拒至二十五日夜乃潛向上臺毛村路遁去查竄擾浙江逆酋本祇李世賢李秀成兩股為賊渠魁此股殲除餘孽膽慄以下遂勢如破竹矣

左伯原摺

按是役為入浙首功江山為縣據浙上游即閩嶠江右亦資屏障方左伯由江入浙時浙東西遍地皆賊由上勦下固已撫其吭而扼其背而賊情狡詭幾欲抄襲後路擾我軍謀惟左伯知此地為勢所必爭攻堅搗銳以奪其氣遂不敢仰視自是順流而下全浙肅清形勢所關洵不小也左伯之功豈獨江民受其福哉

輿地志三

山川 附巖洞岡嶺溪灘

江郎山 山在江山縣南五十里高六百尋一名金純山

又名須郎山

方輿勝畧又名玉郎山

東陽記云金純山有三峯悉

數百尺色丹奪目不可仰視杜佑通典云須郎發地如筍有三峯太平寰宇記云江郎山有五色石日照炫燿但文思博要云江氏兄弟三人登巔化為石此為未可據也山有池產碧蓮金鯽山半有巖危石空懸中可結廬下有虎跑泉清甘不涸

薛應旂江郎山志

山有三峯皆聳

秀俗呼江郎三片石山頂有池人跡罕至錢氏以此山

名縣

方輿紀要

山半有巖危石嵌空邑人周文興廬其上

廣東湛甘泉刻壁立萬仞四大字山有八景三峯列漢

一磴盤空松梢掛月樹杪飛泉洞巖鐘鼓烟靄樓臺古

寺春雲山村暮雪

朱彩志

過江山之清湖山漸合東支

多危峯峭障西伏不起懸望東支盡處其南一峯特聳

摩雲插天勢欲飛動問之卽江郎山也望而趨二十里

過石門街漸趨漸近忽裂而爲二轉而爲三已復半岐

其首根直剖下迤之則又上銳下斂若斷而復連者移

步換形與雲同幻矣

徐霞客遊記

由清湖上嶺卽與江郎

相對盤迴向背目不給瞬俗謂山頭清朗見有光明則

吉此語亦見之泉南布衣陳剩夫集中未爲信然山中

一有廟祀江郎兄弟壁上有銘云三品石何竦特兄鬼哉

弟巖業仰若跂俯猶挈碧鷄神各分裂荆樹花互榮瘠

詎若茲儼成列支中紛尻相接羞醜醇永無極

榕城詩話

唐白居易江郎山詩林慮雙童長不食江郎三子夢還

家安得此身生羽翼與君來往醉煙霞

祝其岱登江郎山詩一自登山洗舊踪層層盡是白雲

封今來古往誰如此諸葛南陽有卧龍欲將世界隔

塵寰分付白雲滿谷關問我歸身何處去往來不出江

郎山緣何鎮日坐山隈陰霧濛濛埽不開報國文章

知有待鳳鳴圖出趁時來三峯屹立插青天筆筆書

空年復年待我養成翎翮健奮身直上翠微巔

宋王禹偁江郎山詩三茅遺躅在金陵又見江郎三石

靈謝眺門前好山色一時分付與巖扁

辛棄疾江郎山和韻詩三峯一一青如削卓立千尋不

可干正直相扶無倚傍撐持天地與人看

劉輝江郎山詩古稱江郎山我謂衆峯伯遠見數百里
特立五千尺形高天勢低根盤地形窄羣石列兒孫老
木森戈戟池瀦早曠霖泉派神仙液護衛有雲連潔淨
無苔積頂爲仙子家路絕輪蹄跡不經女媧爐非憑巨
靈擘渾天首樹立造化與雕刻有如春秋間犄角晉虞
虢又如文武廷環立旦望爽我欲挾之去立柱分疆域
我欲取而用磨劍斷諂逆授手無將越守職非言責且
遂愛山情共躡游山屐
栗元彪游江郎山詩世事無情幾變遷郎峯萬古只依
然移來渤海三山石界斷銀河一字天雲捲前川龍掛
雨風生陰洞虎跑泉羣仙縹緲來笙鶴石頂天香墮玉
蓮又同朱山長游江郎山詩屬鼠開天風三峯互參
時一如植躬圭兩峯拱而待削玉石爲筆書空雲作紙
嵐光動九天翠色照千里上有碧玉蓮中有黃金鯉壁
界一字天松老千年肥鷹旋摩雲根虎跑流石髓禪師
久入定色相如不死靈石剖鴻荒開山自晉始威顯三
道神辟蠻百世祀劫風俄扇揚梵宇忽頽圯僧來自懷
玉披襟營故址笙鶴宴羣仙鐘魚飭德士佳客賁而思
空谷蛩然喜一筇事幽討萬象歸俯視山茗淡以清村
醪薄而旨對奕覆危枰投壺響飛矢盤桓蒼翠間酬酢

笑談裏欹枕自逍遙憑闌時徙倚泉琴澆我心松箏清
我耳廬山樂天翁敬亭謫仙子今昔雖殊時其樂亦如
此留爲他日觀歲月端可紀案此詩今舊志作江郎山詩
周雲叟江郎山詩巨靈一夜劈山開三石堆從天外來
仙客斫開修月路化工築作挽河臺
元王逢望江郎石詩仲春天氣佳景象欣改色我行六
峯外遙見江郎石二儀闢混沌牽牛委精魄鼎立台輔
姿玉蘊圭璋德三神浮瀛海噴薄東一極巨鼇因戴之
仙宮晃金碧斯連厚坤軸乃棄姑蔑域直上青蓮花或
隕樵舍側安知非異境自與三神敵於時攬深秀雲霧
忽中囂微風稍飄颻空翠疑亂滴襟英敷陽艷嘉木森
午寂交黃鳥稍飄颻空翠疑亂滴襟英敷陽艷嘉木森
尺煙波動落照道陰已夕尙戀女媧功躊躇望西北
明徐惟輯江郎山詩芙蓉三朶接雲開自是劉郎手倒
栽正喜臨崖攀日不須跨海問蓬萊春深瀑布飛金
鯽夜靜天花散碧苔寄語豫章羅處士同來此地結仙
胎
柴天復江郎山詩蒼林回轉見飛泉萬丈丹梯白日懸
古寺樓臺依樹杪深巖鐘鼓度雲邊花源靄靄初疑夢
風露飄飄已覺仙冥坐焚香傍幽寂不知人世是何年

羅洪先宿江郎山詩乾坤笑起郎峯巔千古萬古只屹
然壺觴追逐人易老景物依舊年復年我來自嘆登臨
晚抱石枕向峯頭眠萬松樹上獨鶴立佛堂人靜紅燈
殘夢覺起來幽興發朗然卓筆吟數聯鐘鼓洞虎跑泉
胡爲笙磬響只爲晝夜流涓涓請君試問一字天我也
不知所以然峯頭夜半白雲散但見孤月當空懸
鄭林游江郎山詩江郎久乘化色相云何住問之不肯
答點頭意自寓上有槎松幾萬年計壽應在盤古前癯
骨蒼顏樹中仙尚友令人心超然聳身躋攀萬仞顛白
雲翠微脚下眠對面變化鴻濛境游神恍在象帝先一
激雲根玉泉冷載禪窟紫芝聯鐘洞聲歌清籟遠鞠
躬轉步紅塵獨闕漸生白了了機更元義皇世界諒
如此鬱華雖逝道不死徘徊且坐澄凡想願言壺中長
偃仰不覺一字露天真須臾二石齊拍掌空中黃鶴憂
然鳴天大笑青冥振遺響從今已聞太上語與君驅車迴
向天外處

祝鑿江郎山歌昨看江郎山烟霧何晦暝今看江郎山
金玉光晶瑩罡風吹盪陰翳清百怪駢逐海嶽甯窮崖
半夜殄殘虎和氣平地生參苓碧蓮金鯽亦間出甘露
醴泉恒效靈往事茫茫不可問無乃羽化如流星但見
三峯巖巖插天表日出宛若芙蓉青有時作五色千仞
來鳳翎又如壯士倚長劍又如銳冠環帝廷龍門砥柱
鎮河嶽雁宕卓筆雄甌溟天地奇惟有此眼見身歷
車無停江郎山詩松徑藍輿出江郎一望餘三峯搖白日
錢穀江郎山詩松徑藍輿出江郎一望餘三峯搖白日
萬樹薄青霞明滅山田水春秋石澗花欲尋栖隱處攜
策過山家

汪汝謙江郎山詩雲中卓立說江郎千古三人序雁行
却訝羣峯離復合只因徑轉露行藏餐霞吸露共成
仙傳道天池產碧蓮安得雲梯一探討紛紛過客每停
鞭

國朝曹溶望江郎山詩陸行踰百里嵐彩炯不歇猝邁靈
石奇勢聳抗叢樾造物厭尋常作意寫兀培空劃三
峯裂翠峙雙關平踞宛排衙序列猶搢笏層疊漏風雲
虛深嵌日月我來秋雨零惻惻苦徑滑欲果攀陟與怯
懦慚布襪低回難竟去訪古得斷碣流矢貫祠門傍有
枯馬骨目睛輪輓繁六軍正捷伐仰悲峭藉中石路誰
采蕨勞筋雖告疲遐賞賴未竭崎嶇霧天棲槍鳥獸
窟南境時或窮留此殿全越

李良年江郎山詩並序三石森嚴可畏神所憑依宋政

和間封祀侯爵豐碑剝落猶可考舊傳江郎化石頂有蓮池金鯽皆妄也劣削三峯異西看合翠屏吐雲殊冉冉插漢總亭華嶽差顏頡蓬萊尚杳冥猿驚落臂高鳥過揚翎早射扶桑赤全低玉洞青化來渾疑怪隕處莽疑星彈壓神須倚匡持事可聽曾呵泉出隘實使寇潛形姑茂干旗偃仙霞一鑰扃桓躬昭式序蘋藻秩維馨俗拜江郎石碑鏡宋代銘嚴程新滅戍堠火昨連陘陵谷原無易魚蓮漫不經探奇藤笈遠避曷筍輿停想像撐孤樹蒼茫鑿五丁路旁遺構肅丹聖儼英靈无侗望江郎山詩石者白為雲雲者青為石雲石不可知一片空濛色三峯豁復開面面芙蓉出天半卓奇文千古江郎筆

王按江郎山詩昨望江郎山今到江郎山三峯笑兀插天起去鳥欲度愁飛還對面絕壁矗相向離奇潑潑詭萬狀或為屏障或髻鬟翠樹綠蘿盤頂上樓臺屈曲隱朦朧陰晴出沒時不同中有飛瀑映初旭一綫倒掛青天虹吁嗟蓬島不可即丹臺玉室尋無跡似此靈奇世罕有對之知是神仙宅仙乎仙乎去不還世人豈必無仙緣願得假我乘風翼飛入白雲縹緲之層巔相與浪風吸露同千年

成廷楫望江郎山詩嶙峋笑兀撐青天環腰羸骨皆雲煙何年帝遣三石丈來鎮牛女之星躔我於仲冬游須女朔風釀雪河水堅揭來石門訪夙友山空木落飛餓鳶晨起跨驢入幽谷捫蘿欲上三山巔我生自恨少仙骨蓬壺縹緲乏素緣自今願與仙靈約芒屨竹杖從他年更採山頭千歲栢瓦爐炷火延彭篋聞絕頂有數千歲古栢其色純赤焚之可以通仙

周懋文過三片石詩幻奪天工巧仙蹤此可尋三峯何杳靄萬壑自幽深霜氣酣秋色松聲靜暮陰孤蹤真寥廓誰與滌凡襟

黃而輝江郎山詩朝發在峽溪過此始亭午遠望江郎山律砢三危柱巉峭難論神工與鬼斧山行忽起煙風送深林雨縹緲飛白雲變幻不可數造物亦何心須臾靳一睹思欲捫長蘿登陟壯懷古物役媿未閒推車

過前浦重過江郎山詩昔我游茲山歲暮風雪橫今我林麟燭春水碧如鏡轉盼歲月駛往還肅君命脫身敝復來游策鳥雀徑條風花信催蠶月節候正暫解道旁鱷穴散策鳥雀徑條風花信催蠶月節候正暫解道旁鞍一動被袂興桑杏紛妍杉竹鬱交映登堂禮羣仙河車悟真性借游二三子脚力頗濟勝清談弄塵尾

理歸詠
壘亦可聽山楹恣遠眺墟煙條將暝翛然整袂衣行行

方象瑛江郎山詩何年五丁力劃石使為三柱立支天

地峯危宿雨嵐止宜雲突兀甯許鳥窺探仙躡還存否

臨風憶石潭
柴瑋郎峯遠眺詩郎峯拔地隱丹邱坐鎮東南紫氣浮

海外蓬萊天外並雲中金碧眼中收半空鼎峙摩霄漢

一片煙橫接素秋幾欲臨虛乘鶴去飄飄拂袖聞風遊

宋俊江郎三片石詩君不見海上三山人畫圖員嶠方

丈與蓬壺弱水三千不可渡煙巒滅沒驚庸愚又不見

太華三峯插天起晴霞湧出蓮花蕊黃河一綫界潼關

兩神山河平若砥江郎之名自古傳江郎之石自何年

神有但見莽蒼一片皆人煙乃知造化有深意亦如天

彭三郎紀漢唐射龍釣鱗歸何處一片翹足向西翔路白

馬雙分下豫章五老遙窺朱鳥集妖魃不敢舞鄱陽其

中一片特雄峙伯也相將仲與季昂首層霄望海門浙

江震澤羅階祀世人但說江郎山江郎形勢誰能攀楚

尾吳頭屬星紀萬世金湯四面看三茅之山亦巍然茅

家兄弟巢其間雖有金堂與玉室由來止說長生術何
如櫛風沐雨奠南離位鎮三台永不移不須劍閣之銘

磨崖碑江郎之名萬古垂
柔調元江郎山詩江郎碧霄矗重岫奔趨趨駢肩故自

兩累髻俄成三亭亭十里外遠矚浮晴嵐就之肅揖翠

古色羅青藍田坳澗清水照影如江潭陡竦鬼工削離

立天真舍同根大冶鑄一氣清鏡涵匪他豈伊異既翕

樂且耽流言遇羣叔恨不往而參
金娘過江郎山惜秋華詞着屐村行看秋林絳葉一溪

風剪漸入險坡巖雲亂煙輕散舉頭忽睹江郎極目望

峻嶒霄漢青光冷浸芙蓉翠削危峯三片恍現羽人面

却天開石罅中分如線峭壁聳時雪噴半空飛練山腰

霧鎖茅庵又滿地薜蘿蒼薛堪羨問年來碧蓮曾見

楊紹霆江郎石歌噫嘻江郎胡不偃卧俯松篁胡不為
島為嶼江中央上不遇補天之媧皇下不逢知己之元
章羌何心兮不轉永駐足於高岡時煙鬢兮窈窕忽雲
頭兮縹緲時雷雨兮怒號忽風月兮清矯渾心腸兮似
鐵與天地而不老嗟易形兮何術願我為爾兮爾為我
爾點頭兮其許可
劉侃江郎山詩拾磴雙勝倦難將足力誇箸深沿虎窟

峯轉得山家傑石爭雕起閒門倚澗斜山僧林壑趣消
受樂無涯

揚奏瑟江郎山詩步上金純山怪石突而怒勢欲壓我

頂縮頸時一顧壁峭少坦夷胆戰無穩步泉作虎豹聲

咆哮面前路偉哉萬丈梯蒼茫入烟霧想見造物初鬼

工持斧鋸斷白雲根長短中尺度撐起東南天三柱

屹然固陰氣颯高寒小頓仍驚怖未忘垂堂戒忽失翫

奇趣身下翠微間心挂巖頭樹

毛元坤江郎山詩連日空濛山色蒼新晴却好望江郎

斷雲拖入一峯黑夕照推開半壁黃絕頂仙踪如可到

此山真面不須藏試看霽色遙明處天外依稀樹幾行

徐鼎江郎山歌福地洞天神仙宅上有蒼松與翠栢千

仞壁立餐雲液招盡萬古烟霞癖吳道子李將軍憑將

玲瓏絕妙筆難寫江郎三片石

或云江氏弟兄化其說毋乃太荒唐自從劈開巨靈手

天外三峯削成否山神守護鎮一方未許秦皇鞭之走

請君試看一字天世界何由現大千一聲長嘯清風起

鐘鼓洞外虎跑泉白者為雲雲降雨渤海移來擎天柱

萬山羅列等兒孫一山高峙為宗祖山高插入霄漢間

許人瞻仰不許攀芝田種得玉蓮子時飄香氣落塵寰
須知陵谷多更變光陰迅速真如箭江郎本是神仙境
萬古依然石三片

王欽泰江郎山歌江郎之脈從天來巍峩映日紅霞開

陸離光怪射人眼飽看絕勝遊天台寺旁老僧向子說

此山本是江家宅兄弟三人卧林隈一朝化作石頭石

自從正月春初歸至今夜夜生光輝烟雲飄渺星斗落

風雷鼓盪蛟龍飛又云鴻臚築土木願共盧敖結仙族

晨飲清露暮餐霞不羨人間梁與肉我聞僧語中情超

憑虛羽化冲霄徘徊落日彩雲裏仙人手把芙蓉招

吁嗟乎富貴功名若長在滄海桑田應不

改江郎江郎惟爾存三峯屹立撐乾坤

景星山 在縣南五里高四十五丈周五里本名笑星紹

興中令楊雯易今名 宏治 文思博要云山有三石峯

後漢方士趙炳過山下以鞭指之西峯隨墜其石猶存

天啟 明知縣易傲之鑿中天一壁於石巔山係縣治

文星典邑者屢禁居民採石以防火患 朱彩志

國朝知縣德豫禁碑邑之有山猶國之有屏障也風景昭
焉人物毓焉今春予自定陽移蒞須江其俗美風淳山
明水秀每於聽政之暇升高而望見夫縣治之南有聳
然特立者雲霞變幻較諸山為尤異從吏告予曰此景
星山也為縣治之朝案又顧而西見眾山排列層巒聳
秀吏又告予曰此縣治之來龍自縣北雲嶺綿延巖下
西塢及腹慈春等處其一帶山名驚頭石竹獵山猪母
圳白馬岡大石壠大龍降雖與景星山異脈而西南環
拱實為一邑之保障焉此諸山內悉產火煤灰石嗜利
者每一採掘在縣脈即見災殃在朝案即起回祿歷任
宰官於縣脈有煤石處及朝案山中俱久經封禁掘煤
鑿石燒灰因思居民生長此鄉禍福同之若圖一己之
利而忘合邑之害桑梓何辜甯忍出此正欲布告眾庶
重申禁約適合邑紳士鄭學濱何咏梅毛廷選毛起達
周大庭等合詞請禁予忝居父母斯民之責敢不掃除
弊習以副
國恩用特筆之書而泐之石以期共見共聞惟願爾居民
永遵此禁毋負區區之意則予之幸也

宋楊萬里景星山詩山頭孤立玉伶俦天上何年墜景
星四面萬峯非不峻何如只是一峯青

劉子翬江山笑星星石士將易為獨醒次韻詩羣石翠參
錯茲峯峙雲林笑星名固夸流傳經古今幽姿儼向背
異態生陰晴怒若抽翠筍端如立瑤簪不有融結奇甯
知化工深翁郎邱壑人籃輿越秋岑崎嶇喪亂間逢幽
亦登臨把酒視雲漢浩歌散愁襟着鞭雖後余歸蹤畧
相尋獨醒訂訛謬懷人識君心政恐五字詩光芒射奎

參玩味不可忘寫之朱絲琴
明許節九日登景星山詩薄宦三年重陽半日間得
陪文翰友同上景星山時菊簪華髮天風醒醉顏明年
今日會何地復躋攀
國朝宋俊登景星山詩騎石何勞拜笑星三峯翠律有遺
銘欲摩青壁書天問試展黃圖按地形彭蠡帆檣飛楚
澤錢唐煙火壓秦亭低徊無
限空搔首莫道江山似畫屏

騎石山 在縣西二里高四十丈 省志引縣志作四十五丈 周四里與
景星山相向狀如人騎石故名知縣余一龍改名步鰲

山朱彩

又名騎石嶺上有五雷壇

天啟志

宋 蔣之奇騎石山詩 笑星如落星 騎石如騎馬 風雪滿

征衣 匆匆過山下 黃 汝嘉登騎石山詩 江城樓閣闌 嵯峩如此隨 風燕雀

何 古木望中松 栢少好 花開處 杏桃多 徐殷舊宅僧 爲

主 褚氏閒亭鶴 占坡花 落 今古事 青山無語野 樵

歌 一亭平倚此 山巔展 盡郊原 極目天 高下樓臺微

帶 雨參差樹木遠 含煙品 題物象 詩聯軸 管領江山酒

滿 船官冗不妨登 覽與塵 襟到此 自偷然

國 朝王嘉捷登騎石山詩 獨陟高 峯四望寬 洞分上下總

奇 觀莓封古碣 疑無字 泉落高 崖似薦寒 僧靜隨緣謀

去 住寺荒留竹 報平安 天涯何 處多芳草 野外斜 坡山

外 巒 宋 俊登步鰲山詩 幾曲清 溪幾 招橋手 攀巖 桂度山 椒

上 方鐘磬垂丹 壑下界 風雷現 碧霄未 到重陽 先落帽

恰 逢八月好 觀湖任 公準擬 投竿去 東海茫茫 何處招

醒 綠芙蓉 銀河倒 影三千 尺飛上 瓊鰲第一 峯

志 須泉梅花泉 源各異 名勝志 誤宋成 綏註 案

西 山下係雪 泉舊有 王樸枕 園引雪 泉於屋 寶景頗 幽

折 今因兵 燹無存

航埠山 在縣東一里 山勢逶迤 鹿溪經其陽 方輿紀要 高

五丈周二里 其陽有鹿溪渡 朱彩志

國 朝蔣沈航埠山詩 山勢遙連 郭懸崖 起夕陰 行來芳草

歇 坐久白雲 深秋薛 延新屐 風泉豁 素襟 歸時回首望

斜 日度高岑 方 煌舟過航埠山詩 空山寂 寂響流 泉不見人家 見巒

江山縣志 卷之一 輿地 山川 七

木荔鬱與縣治相映 帶有泉清冷 邑人多擇勝爲亭榭

名勝志云 下有須泉 又名梅花泉 宋徐復殷家於此 汪浩

西山 在縣治西 邑人嘗擇勝爲亭榭 宋縣令黃汝嘉題

曰江山奇觀 明統志 在縣西一里 高四十丈 周十里 林

煙一樹暝鳥啼不住數聲欸乃過前川
水輕疎星螢火浸溪明牧童橫笛歸偏晚
入夜松風拂
聲五

漸山 在縣東二十里俗號大靈山巍然秀出上有偃王廟旁發泓泉三旱曠必禱宏治府志 宋徐存刻石記其驗

今不存明統志

北山 在縣北舊名瓦窰山邑之主星係焉後平為田知縣黃綸復於舊址堆高四尋延五百餘尺跨橋於河構亭橋上關鍵水口橋存亭廢天啟志

神仙山 在縣東三十里翠律皆嶺泓泉在巔為禱雨之所天啟志

國朝榮允治遊神仙山詩青山看不厭此日更幽尋度嶺
千峯合翠蘿一徑深輕鷗生樹杪明月宿溪陰不待攀
芝草悠然
黃綺心

安定山 在縣東北二十里煙霏空翠巘肩相高宏治府志

高二丈周十里巖壑最勝任浩志
宋張恪安定山詩常懷玉壘李謫仙精神浩瀚游八表
頂摩蒼天弄白日方丈蓬萊思輕矯吾鄉夙號山水邦
縈青練白襟蒼縹人間要自有佳趣何必東瞰扶桑曉
江郎秀色照越閩咀嚼自可忘幽情爛柯山與浮雲齊
笑星騎石凌飛鳥何獨此山名未燿無乃潛德避喧擾
定是壺中小有天眾星未易立談了物之顯晦固有數
巧歷豈能窮忽杪我聞雁宕古來無山經不載事沉湮
後世奇秘始發見游人足跡竟盤繞九華妙觀人未覩
劉郎當時眼偏瞭固知有物必有遇此理甚明非浩渺
豈惟安定名不腐自覺劉郎才力少我詩那能為重輕
九鼎借助鴻毛小羣豪自可
繼唐賢聯名况有詩僧皎

鷺籠山 在縣東南四十里上有靈湫名勝志 高六十丈

以形得名上有嘉澤侯廟天啟志

步虛山 在縣南五十里紫極宮前巔有壇黃冠禳崇之

所天啟志

鶴鳴山 在縣南二十五里巔有泉不涸趙公抃嘗登臨

焉汪浩志

徐王山 與鶴鳴相並者為徐王山三峯秀峙東麓有押

衙塢相傳徐偃王駐兵之所衢州府志

泉山省志作泉嶺山 漢朱買臣云東越王居保泉山即今信安

郡北界也通典 在江山縣南一百二十里山周圍數百

里皆高崖深谷漢書朱買臣言閩越王所保是也明統志

買臣傳註泉山為泉州之山去海十餘里疑非泉嶺

山宋成綬志

龍華山 在縣西有海會寺汪浩志

宋僧懶漁龍華山詩梵王宮倚市廛開波劫何曾斷俗埃百萬源流歸海會三千世界屬如來老龍收雨藏香鉢野鶴聽經遶法臺聞道題名還有塔熙甯四老總多才

覲星山 在縣南百里許明統志縣志俱作一百十里 高一百八十丈

為眾山之宗僧寶月結庵於此前有巨石嘗飯虎宏治府志 巋然為眾山之宗登此可瞻星辰因名明統志

馬鞍山 在縣西十五里嘉靖浙江通志 在縣西十五里景星

鄉一在齊禮鄉汪浩志

洗仙山 在縣南四十里舊名泛青山汪志作萬青山相傳有漁

者見洞口有道人手招之不往道人旋揭巨石室其門

正德志

聖堂山 江郎山又南四里曰聖堂山高八十丈周十五

里內有龍潭江郎山志在縣南五十里頂有龍井旁有祠

早禱必應汪浩志

石鼓山 在相亭九十里近建安境山有十井路特險巖

人跡罕到井分上中下有龍居禱雨輒應其七井路澁

且潦內有一井有石鏡煜煜有光尤神恠絕頂俗名品

尖天霽望見衢城汪浩志案山在縣南一百二十里相亭東三十里

浮蓋山 在縣南百里外上有仙洞洞口石壇為禱所洞

內石壁雙峙上通一罅徑畧容身可數十步始得曠處

有仙人奕局泉竇冰滑餘石齒齒宏治府志

徐霞客遊記浮蓋山跨浙閩江西三省衢處信甯四府之境危峙仙霞梨嶺間為諸峯冠楓嶺垂西畢嶺東障梨嶺則其南案也惟石擎雲飛崖削翠遙瞻丰采輒為神往登絕頂浮蓋最高處踞石而坐下視金竹里以東崩坑墜谷層層如碧玉輕綃遠近萬狀惟頂以南尚鬱伏未出循西而下乃知此峯為浮蓋最東由此而西蜿蜒數峯再伏再起極於疊石庵乃為西隅再下為白花巖矣浮蓋中頂皆盤石累疊而成下者為盤上者為蓋或數石共肩一石或一石復平列數石上下俱成層疊雙闕浮蓋仙壇洵不誣稱矣

宋汪藻浮蓋山詩作鎮東南削嶽靈峭崖絕壁欲奔星浮空高展神仙蓋列障長開水墨屏春瀑練飛千丈白

曉林藍染萬株青尋真自喜扳雲級洞府由來不掩扇

案朱彩志作祝鑾江郎山詩誤

明祝鑾浮蓋山石碁盤詩洞仙遺下石碁盤人到壺天

盡處看十九路誰彈墨界幾千年自帶雲寒面平足布

流星勢塵拂元無舊蘇癡乾電

聲中聞子響不知還許採樵看

高齋山 在長臺宋柴望隱居處元蘇幼安秋堂柴公墓

誌銘云公隱長臺之高齋又云葬高齋

註山名之奇氣樓

下郎公所居也

宋柴望高齋晚望詩纔是青山便卜隣世情那得較紛

紆霧涵遠岫分爲雨煙起人家去作雲柳色晴光扶檻

入鶯聲人語隔窻聞高齋獨

捲重簾坐花落棋牀日未曛

東華山 在縣南一百里形如筆腋有二小圓峯下有三

品庵

天啟志

仙人山 在縣南三十里上有仙跡馬蹄痕里人立馬仙

姑廟

天啟志

徐山 在縣南四十里巔有塔有泉不涸下有覆螺庵西

爲瞻岩山

汪浩志

翁巖山 在縣北二十里下爲左窩

汪浩志

龍眠山 在縣北十里高五丈周七里俗名七里山蜿蜒

屈盤故名龍眠

汪浩志

湖山 在縣北二十五里高百尺周五十里上有石窟深

黑有龍居焉旱禱立雨山半有石城兩層城內有腴田

泉水四時不竭

天啟志

泰陽山 縣東南去張村十里許特出羣峯之上有泉石

之勝里人建岱嶽祠極壯偉天啟志

心航山 在縣南十五里清湖鎮里人毛應思結庵於此

有樓沼亭臺曲徑逶迤又有陸舸聽松團瓢諸勝汪浩志

明任光復心航山詩三十餘年歸夢奢閒乘途次訪煙霞山舟差擬張融屋竹徑渾疑蔣詡家連客重題今日句道人不種舊時花松風似愛寒潭月洗淨浮雲未許

國朝何龍文心航卽事詩征途役役往來頻愧向真源更問津枕上黃梁誰作我鏡中白髮不饒人石泉竹徑還依舊花鳥空山又一新此地游踪多逆旅總教道眼笑風塵

程萬仞心航山詩看山偶爾住心航疎竹蕭蕭映短牆坐久松濤鳴几席天清秋色在衣裳數聲啼鳥凝嵐翠一點歸雲逗晚涼此地仙源應咫尺落花休更賺漁郎

余錫同友人遊心航詩尋秋結伴訪仙槎山麓參差石

徑斜遠浦翠分經雨樹疎鐘敲落受風花樓因近水能留月屋傲牽船可當家聽到無聲松籟寂團瓢清思渺無涯

小江郎山 在清湖峭石懸潭與浮橋映帶儵魚翕聚宛

然濠濮之間汪浩志 在清湖鎮有八景峭石懸潭憑檻

觀魚橋跨玉虹歸艘晚泊岑閣凌霄竹林焚唄帶水波

光元夕流燈朱彩志

明張瑞圖小江郎詩選勝開梵閣登臨攬夕霞檐懸楊柳水石湧碧蓮花萬壑連清磬一僧轉法華獨憐去路迴翻羨此爲家

國朝鄭鏞宿小江郎詩嘉樹倚山根溪流浸舊痕插天瞻伯仲卷石立兒孫岸靜維寒艇燈明出遠村深更風浪起浩月湧柴門

楊世倚小江郎詩聞說澄潭裏巍然三石磯風高吹霧縠水落見苔衣曲檻焚音靜危崖客語稀江郎名勝好

此地是耶非

吳晉垣小江郎詩青石峻嶒俯碧流人間何自有丹邱
長橋日湧潛龍動高閣雲生古樹幽重疊江山如畫列
飄零身世祇萍浮憑欄却羨游魚樂鏡裏雙雙不受鉤
丁百川清湖小江郎詩峭石凌虛翠作堆芙蓉倒影水
中開山蟠閩嶠流初合地劃吳江棹盡回漁火半侵紅
蓼岸梵音多在白雲隈偶來便已同濠上况是閒心日
溯洄
楊奏瑟小江郎詩海上飛來第幾峯參差幻出水芙蓉
靈根倒向中流插峭壁危當急溜衝岸壓虹梁含霧雨
江沈鐵鎖掣蛟龍輕帆葉葉
歸烟浦暮聽山頭寺裏鐘

獨秀峯 在縣東南五十里高四十五丈秀色為諸峯之

最嘉靖浙

江通志

嵩峯山 在縣南九十里盤旋而上凡十八曲極難登陟

峯頂有龍井其水盛夏如冰

蓮花山 縣南七十里

國朝毛元坤蓮花山詩到處芙蓉倚水栽如何一朶出雲
隈山靈想是散花手故放奇葩頂上開不逐烟波不
染塵乍看非幻又非真何年天際風吹落獨立空山萬
古春

王欽泰登蓮花山歌蓮峯何處雲飛來五萼高插羣峯
開中有一峯尤突起香風飄渺蓮花臺却憶愛蓮周茂
叔花之君子心常屬當時清潔徒相誇惜未到此賞絕
俗我來正值秋初晴紅衣翠蓋天生成凌空不落亦不
動雲光日色常迴縈君不見人間不插芙蓉花千秋若
箇到仙家我乘蓮座凌風去長與仙人結伴披雲霞

盤山 在嵩峯山之西其形如盤因名

雲母峯 縣南三十里一名雲霧俗名騎馬尖頂有龍井

長臺人建塔其上

天啟志

溫峯 浮蓋山旁有溫峯巖石倒垂如雞味有泉出焉

江

江山縣志 卷之二
山 在縣南七十五里爲由浙入閩之路 汪浩志

清明峯 在縣西三十里潭源明姜應奇建有書院今廢

仙霞嶺 在縣南一百里高三百六十級凡二十八曲長

二十里 仙霞嶺志 或曰仙霞嶺即古泉山也杜佑曰泉嶺

山在衢州信安縣西南二百里漢朱買臣云東越王居

保泉山一人守險千人不能上今其山周圍百里皆高

山深谷唐乾符五年黃巢破饒信翁等州轉畧浙東因

刊山開道七百餘里直趨建州即此嶺也宋紹興中史

浩帥閩過此募人以石登路稍就寬平仙霞之爲嶺一

而南北有名之嶺凡五曰窰嶺曰茶嶺曰小竿嶺曰大

竿嶺曰梨嶺與仙霞爲六大嶺六大嶺之險止在七十

餘里之中故皆可以仙霞目之也 方輿紀要

宋朱子仙霞嶺詩道出夸山鄉思生霞峯重疊面前迎

嶺頭雲散丹梯聳步到天衢眼更明

陸游宿仙霞嶺下詩吾生真是一枯蓬行遍人間路未

窮暫聽朝鷄雙闕下又騎羸馬萬山中重裘不敵晨霜

力老木爭號夜谷風切勿重尋散關夢朱顏改盡壯圖

空

黃公度仙霞道中阻雨詩薄暮雨霏霏歸心恨不飛客

程三日阻家舍半年違澗澁水爭道山空雲觸衣憑誰

洗光手取出太陽輝又仙霞道中詩村村翁媪賀年

華不道行人亦念家可是浮名能挽我杖藜元日度仙

霞

馬子巖宿仙霞嶺詩鎮日崎嶇度遠山山深處解征

鞍翠環水石四圍匝凍積冰霜一夜寒月影自催人起

早泉聲不許客眠安明朝直上煙霞去身在亨衢天地

江山縣志 卷之二 輿地 山川 三

暗水盡從荒澗落好山剛被嶺雲遮
明高翫度仙霞嶺詩盡日度仙霞西風吹鬢華乍寒拋
白紵臨晚見黃花山險全無路溪晴半是沙嶺雲逢宿
處斜月帶栖鴉
徐渭早發仙霞嶺詩披衣陟崇岡日中下未已雄偉莫
兩都噴薄走千里百折翠隨人一望寒生背高卑互無
窮參差錯難理蔓草結層冰喬木懸秀藟畫餐就村肆
小結依崖址去壑知幾重剗竿引澗水回視高峽巖鳥
飛不得比
黃居中度仙霞嶺詩樹隱關關月峯高越嶠雲人煙孤
戍出樵語半空聞候雁知霜信歸鴉帶夕曛棄繻嗟往
事自笑負終軍
陸弼仙霞嶺詩疲馬關門路蕭蕭楓色新山腰低落日
木杪度行人久客音書斷清秋藥餌頻游談非所好歸
任橐中貧
王毓德度仙霞嶺詩已恨聞天道路賒更堪回首隔仙
霞潺湲已是他鄉水縱使東流不到家
汪汝謙度仙霞嶺詩跋涉已經旬兼程與水陸攀躋錯
繡茵憩息耽絲竹有客戒嚴裝攜姬如美玉誰堪步後
塵目送多遙矚

國朝李蔚仙霞嶺詩雨破炎風涼吹我仙霞嶺途次旅思
新力盡崖路永回合目易眩盤陞步無整衣牽白霧濕
肌濺懸流冷低眠飛鳥背仰接奔龍影掛樹猿狖閒蹲
石虎豹猛天近雲車翻嵐沐煙鬢靚蒼黑杉百丈蔥蒨
竹千頃惟昔此設險嚴關溢要境事去衆志非金湯費
藩屏盜賊尙叢嘯險隘尤多梗世人競捷足及茲未易
聘
柴自挺仙霞嶺詩世多難蜀道邈更數仙霞設險聯三
省分防渾一家芟官雲背立傑閣樹頭遮拾級天應近
肩橫日色斜
湯可宗過仙霞嶺詩絕頂驅馳度碧空俯身下界總鴻
濛關分閩浙參差險山走東南突兀雄晝日雲雷藏壑
底新秋枕簟卧天中吾徒莫自嗟行役蚤聽千巖起谷
風
宋晟度仙霞嶺詩雄關巖業倚天開闢浙橫分亦壯哉
萬樹綠沉通鳥道數峯青轉現香臺雲移日影穿林出
風引泉聲入澗來我欲磨崖試健筆旅懷無那暮猿哀
范允鏞過仙霞嶺遇雨詩上懸無極倚蒼穹別有天門
一線通但覺寒生紅樹裏不知身在白雲中勢如行蟻
全粘壁心似驚猿半墮空安得雙飛生健翮冷然怒起

會高風
柴允元仙霞嶺詩不數函關百二雄仙人此地關蠶叢
層陰峽裏千堆疊積翠崖邊一線通殿閣霞樓塵境別
鼓鐘風送梵音鴻時看嶺半煙雲繞上有高林礙日紅
鄭重仙霞嶺雪行詩懸崖峭壁與雲連瑞木飛花別一
天莫羨王恭披鶴氅清姿映雪亦神仙
方象瑛仙霞嶺詩復嶺層崖勢轉橫千峯絕頂與雲平
路危似識蠶叢異閣迴遙看鳥道明古木陰森微見日
惟禽嘈雜未知名丸泥不蔽三關險橫睇山河百感生
朱錫鬯兩度仙霞嶺詩縹緲江郎石朝來竟不分客愁
偏暑雨祠古但寒雲小市兵戈盡飛泉下上聞泥塗雖
自苦漸喜遠人羣岸缺人猶度橋回徑轉偏古苔綠
樹上密竹聚峯圓白裕晴還濕青鞵暮屢穿笑看茅屋
近編後渡溪煙仙霞高不極半嶺一雲平倚杖驚吾
老攀援羨客行經心蒼薛滑照眼白花明回首楓嶺暮
先秋葉自鳴
褚篆歸度仙霞嶺詩匹馬勞勞蒼翠間千尋古棧度重
關天南氣象開巒嶺上風雲動越山逕走黃狐荒草
合村連紅樹夕陽殷生民苦憶無家別煙火蕭條何日
還

黃子雲度仙霞嶺詩鳥道紆回上猿聲縹緲聞峯盤三
百級身入萬重雲天地間中險陰晴嶺半分出關盡蠻
語端合作參軍
張濬仙霞道中詩日夕苦於役蓬茅借一椽風搖寒竹
影雨暗晚炊煙地僻人希至更長夜不眠遣懷惟白墮
難到醉鄉邊
孫治復至仙霞嶺詩昔從此嶺歸攝提方破臘梅花發
故條餘雪積遠峽今復重登躡健兒擁鞞雲回無飛
鳥風高森馬鬣閩浙界疊嶂微茫驚目睫堪堪險自天
防守理所讐老夫胡為然自笑徒跋涉搔首無奇句何
以通閩閩誓即還湖山輕拏恣報颯
魯會煜登仙霞嶺詩東南誰關此蠶叢漢武樓船首紀
功設險猶存百戰後當關只在夫雄何年碑碣埋殘
靄落日樓臺起大風懷古不勝行役意共憐客路在其
中誰能自在上層巒鳥道縈紆十八盤絕性藍輿天
闕迴轉思蓮舫鏡湖寬北來估客囊絲白南去騷人旣
荔丹我亦匆匆勤結伴蕭條何論舊微官何處風煙
是會稽羣山勢走浙東西離家日近猶衣葛出岫雲輕
好杖藜猛士休誇大羽箭雄關漫固一丸泥南行要載
炎荒筆容我輕裝發劍溪

江山志 卷之一 輿地 山川

〔桑調元〕仙霞嶺詩峭壁拔千仞蛇徑盤高天高寒隔風氣陰晴吐氛煙當關一夫力百萬誰能前如何摧破日雄駿橫爭先我行踰險峻隔月重沿緣昔來經春雨新草生芳田今歸際溽暑繁木蔭清泉長途困顛頓老體嬰沉綿聞山謝修阻浙水衝回旋浮雲白泱漭望國心暢然

〔鄭瑞麟〕登仙霞嶺詩岩巖峻嶺瑣雄關石路盤旋曲復鸞驛馬馱鞍隨鳥度行人策杖學猿攀赤霞常向丹峯繞青靄空將翠岫環地盡東南憑管鑰天開險要控閩

〔宋俊〕大雪過仙霞嶺飛雪滿羣山詞一線天開橫分南北雄關初認仙霞風翻雁霧凝螺髻盤空六出飛花看崎嶇千仞鎖亂酒懸崖斷沙倩誰說是玉龍駕海向絕頂紛拏漸拄杖穿雲頻眺望棉裘空御筍笠徒遮

吳山越水江干何在問歸路隔天涯拚摩挲短劍村醪熟紅燈影斜奚童恰報林梢幾點啼暮鴉

〔金娘〕度仙霞嶺入聲甘州詞望層巒雲霧罩重關彷彿與天齊正霜凋烏柏風殘絳葉衣透涼颺是處崎嶇鳥道曲折躡丹梯逐隊行還倦方陟崔嵬暫憩危亭遠眺星巖碧送泉壑青飛嘆年來何事嶺上列旌旗只如

今瑞煙佳氣却依然草淺鷓鴣啼低徊久客懷頓釋遮莫忘歸又歸度仙霞嶺飛雪滿羣山詞席帽風嚴雨衫寒透征途重過仙霞萬山銀砌千峯玉積枝枝老樹生花長空盡黯淡瀾荒渡溪流亂斜前村遙望炊煙起處恍是有人家會記得向時登陟候有猿啼深澗雁叫平沙忽驚時換瓊瑤滿目一天冷徹谿訝故鄉凝睇久却遮斷殘雲暮鴉更如當日扁舟訪戴歸若耶

密嶺 在仙霞嶺北十五里峯勢突起旁瞰平疇村落墟

里厯厯可數山下多密戶因名 方輿紀要

茶嶺 在仙霞南三里松篁相接夷險相乘即仙霞之支

隴志謂之箬山 方輿紀要 箬山高出仙霞上霽景可見衢

城上有田不早 汪浩志

國朝〔桑調元〕茶嶺詩潺湲高田水下田噴薄流清聲浩不息迤登茶嶺頭青松列偃蓋白雲與層樓疎疎水苗足

江門縣志 卷之一
三
嫋嫋風蒲抽喚雨雌雄鷓渡溪子母牛豎木接斷杓暗
徑穿深溝開畚去怪石並力亞旅稠心忻荒穢關秋穀
盈西
疇

小竿嶺 在仙霞南八里崔嵬雄峻延袤十餘里北麓童

然隆起無林巒之勝小竿盤紆最遠北趨婺州西達信

州皆可以取途云 方輿紀要 小竿嶺堪輿家
云係臨安建康省會之脈

大竿嶺 在仙霞南三十六里志云嶺有道西達廣信突

然高峙南去小竿二十里其間陂陀曠衍民居絡繹寬

平處可屯列萬騎 方輿
紀要

梨嶺 在仙霞南五十六里俗名五顯嶺上有五顯廟高

峯連雲前橫大壑傍巖飛閣又類仙霞其危厓仄逕真

足令一夫當關千人自廢 方輿
紀要 窰嶺茶嶺小竿嶺大

竿嶺梨嶺為五嶺皆仙霞嶺所聯屬最著名者舊志缺

窰嶺茶嶺梨嶺今補入 宋成
綏志 過窰嶺以往一嶺一廟

皆祠關帝獨五顯嶺祠五顯山僧施茶結客多吾鄉人

操土音慰勞綿亘百里中並無摩崖鐫壁以迄題名紀

遊之蹟是所慨也然飛湍峭壁近接几席密樹深篁綠

上衣帶奇花異卉飛蓋扶輪日在塵囂乃知此境之幽

逸詩家惟大小二謝可以圖狀矣 杭世駿榕
城詩話

唐歐陽詹題梨嶺詩南北風煙即異方連峯危棧倚蒼
蒼哀猿咽水偏高處誰不沾衣望故鄉

宋黃景說梨嶺遇雨詩黑風吹雨又黃昏鷄犬數聲何
處村身在嶺雲飛處濕不關別淚濺成痕

明僧廣潤梨嶺曉行懷范東生詩咽石寒流細霑裳白露多疎林生曉籟片月偃秋河肅肅征人語勞勞牧子

歌因思巖穴者高月卧松蘿

國朝沈樹本五顯嶺詩高峯入閩奇飛路盤空幻破角隱

堂皇壁面壓溪澗洩雲生嵌竇飄雨來轉盼翫翫滑難

行攀援苦未慣進虞一步艱墜有千丈患戰兢腰脚疲

牽挽衣裳綻前望怖啼狖俯視羨歸雁險疑過秦關危

或踰蜀棧積陰何時開疊嶂誰能鏟人無戀舟車我將

老葭菼

桑調元梨嶺詩風挾雨聲大梨嶺千尋高雪瀑喧溪厂

油雲冒巖嵒乳鳩坐深樹饑鶴盤荒阜喜得匡寺古暫

憇行人勞若飲得所適箕踞何其豪石林響浙瀝來者

方滔滔

閩秀錢紉蕙度梨關詩迢遞喻梨嶺肩輿勝駕驂雄關

限閩越幽境極東南地暖常多雨雲

開忽作嵐鄉間望不極聊復上巖龕

楓嶺 小竿嶺南復有一峯傑出謂之楓嶺比為浙閩分

疆之處相距不過數武而物候榮落頓覺不同沿嶺而

趨長松曲澗夾道相屬其險窄處伐木為闌以便行者

蓋亦要隘之地矣居人曰楓嶺即小竿南麓之別名其

實止一嶺耳去小竿嶺五里嶺勢相接俗傳舊植竿於

嶺上故有大竿小竿之稱自楓嶺又南十五里即梨嶺

矣

方輿紀要

國朝李蔚楓嶺詩楓嶺與梨嶺南北相拱揖石脈固潛通

蟠峙各獨立林木互糾紛亂峯森巖巖其巔判閩浙風

土隔邦邑躋崖依絕谷轉道僅微級凌空危橋滑束澗

鳴溜急負擔盡遊估攀援如蟻集傷哉營微利走險詎

夙習下見稻畦人驚客舉蓑笠馳驚違所性遑回增憂

悒

桑調元楓嶺詩寂歷清湖陰潤發蒼翠叢曲河瀦白水

修塢延青松煙畦歷方垠嵐岫圍高墉沙鶴追飛盡喜

越陽光紅遙峯尚積雪粉本皴

芙蓉清輝溢遠目竝立思雲中

蘇嶺 密頭嶺之北又有蘇嶺去馬頭嶺二十七里雖地

勢益高然平坦易陟

方輿紀要

馬頭嶺 在清湖南七里高不可尋丈

方輿紀要

楊姑嶺 茶嶺稍南曰楊姑嶺去茶嶺僅里許

方輿紀要

璩公嶺 在縣東南六十里

案崇禎衢州府志作縣南路通處州府遂

昌龍泉縣

方輿紀要

白巖嶺 在縣西南七十里高三十五丈長五里上有靈

順祠

天啟志

西山嶺 在縣西一里雖峻聳而往來不覺其高

天啟志

斜馱嶺 在縣西南三十五里

孟遮嶺 在縣南五里與西山嶺連上有孟遮廟

天啟志

紅旗嶺 在縣西南二十五里路達玉山每歲藝麥不畊

不耰時至而獲獨異他處

汪浩志

大陳嶺 在縣西北十二里又有大嶺在縣西北二十里

方輿紀要 在縣西北二十五里路出常山

朱彩志按汪浩志作三十五里

登真嶺 在縣西北十五里舊名筋竹山詹妙容於此得

仙唐別駕令狐暉易今名山高五千尺中有潭溢則旱

淺則豐唐刺史投金龍以祈雨名爲天泉

天啟志

宋趙抃登真巖詩殿閣凌空鎖翠嵐雪晴春色在松杉芝駢羽駕歸何處留得雙鳥宿舊巖

國朝周三畏登真巖詩憑虛亭榭掩元關古徑幽深自往還時有風雲生絕壑還疑笙鶴下緱山冷冷天籟松篁老寂寂丹爐歲月閒乍可從人求大藥到來此地駐紅顏

白巖 在縣東四十五里汪浩志作縣東南山骨對下如垂釵中

有巖廣一丈深倍之衡袤三百弓規如半月瀑流從巖

下如飛練宏治府志

宋李處權游白巖詩林梢過午未全分泉脈幽幽逗石紋擬着藍輿訪絕頂共攜筇杖到青雲倘逢洞裏三株樹不羨人間萬石君許我陰崖結茅屋老於松竹尚殷勤何處風光最可憐仰山亭下白巖前窮來更覺詩堪畫老去惟知酒可仙雲色弄晴花醮水嵐光經暖柳拖煙左思近有三都賦誰為吹噓送上天
明柴惟道白巖詩首夏鬱煩歎塵氛難淹泊頗便山中居遂憇巖下閣溪流激空響峯回互參錯柔桑綴瑤華高林展翠幙遠風挹清曠孤影恬元漠翳翳日光曙悠悠悠谷中廓衣裾幽芳襲窻戶白雲落氣候變朝昏山川

異城郭達生冀向平冥搜懷康樂得已非述纂情通豈今昨

六石巖 縣南相亭西中有巨石雄峙下有庵庵前有潭

一巨石數百仞水繞於石路沿於水昔有六石大師禪

栖其間因名歲旱則禱天啟志

宋張貴謨六石巖詩寂寂巫山十二峯飛來一半在江東插天假借化工手六瓣芙蓉若畫中

通濟巖 在縣南六十里高四丈廣二十餘步其深莫測

溜僅一綫達於峪竇有石觀音像旱禱即應汪浩志

白水巖 白水巖歲雩有雲自南出則雨江郎志在縣南

六十里高四丈汪浩志

永璩巖 縣南二十里旁有小石門雙峙爽氣逼人可禱

雨天啟志

白雲巖 縣南二十里巖有石龍甚異天啟志

鵝巖 在縣南四十里高百餘丈遠見衢城天啟志 瞻巖

山之巔曰鵝嶺高百餘丈衢州府志

下鵝巖 在仙居一里頂有石狀如龍首滴水四時不竭

僧結庵就巖居焉天啟志

白花巖 與相亭近巖石甚奇有裏山靜室天啟志 舊志

作百花巖今據徐霞客遊記改正宋成綬志

徐霞客遊記由二十八都溪橋南行數十步由左小路登嶺三里下嶺折而南渡一溪又三里轉入南塢即淨蓋山北麓村也分溪錯嶺竹木清幽里號金竹渡木橋由業紙者籬門入取小級而登初皆田畦高壑漸而直

躋危崖又五里大石磊落棋置雲羅松竹與石爭隙已入勝地竹深石轉中峙一庵即白花巖也僧指其後山絕頂巖石甚奇

石井巖 在縣南二十里紫極宮側下臨清溪茂樹鬱鬱

可容千餘人汪浩志

瀟巖 知縣汪浩改為霄巖 在彭村上下有二巖下巖高廠深澗僧

結宇供佛像居人復因巖構舍以肄業其石有螺蚌朽殼沙土凝結而成浪紋層疊若經大水推盪者奇甚天啟志

汪浩瀟巖記江邑南聯豫之玉山近界數里有洞曰霄巖巖背如髻螺色亦相肖而屹然南向則如猛獸之蹲踞下縮上拱層疊前出在在有小穴如張唇狀洞高數十尺深六尺丈許濶亦如之黃冠架木為堂為室為牖為戶凡器用財物無少缺初若不知有洞者洞前構方

丈列板為蓋而不瓦蓋上巖足有以蔽風雨耳其左右
 洞延袤彌遠右為厨左為藏盡處為書舍居人嘗讀書
 於此此兩洞者不修不飭緣洞之高下盈縮以置物遊
 其中者宛然一深靜禪室而眾山培塿惟天南逼人眉
 宇光明爽塏又過之余曩者客遊宣府之龍門有所謂
 朝陽洞者位置形勢與此洞埒但淺隘不及其半几案
 器皿無一備者即備亦無措置處余亦極愛其光昌居
 此地肅殺之所煥而不寒爰為之記徘徊不忍舍此洞
 規模宏豁結構可施人事而去鄉里復較近他日入山
 當又不舍此去彼已
 宋周彥質瀟巖詩散策南山下逶迤登石橋五步曲澗
 水兩山鬱岩堯夤緣度絕壁攀蘿俯山椒懸瀑瀉層崖
 冰華垂空飄盤紆上石磴天梯颺回颺則足得平地聳
 身凌丹霄入谷煙霧深松竹聲瀟瀟會當發天秘剪此
 荆榛條結屋栖白雲覽矚千峯遙土沃既宜畊山深仍
 可樵因之習天游已足遠世囂悠然萬物表我隱誰能
 招

國朝丁百川霄巖詩勝地深從此日探半空香氣發梅檀
 寺藏碧嶂尋猶易迎接青霄到却難嵐翠濛濛晴亦濕
 層陰翳翳夏偏寒年來漸覺幽棲穩欲剪禪燈一寸蘭

王錦蓮霄巖詩哈呀幽窟乍窺探出戶爐烟噴紫檀龕
 佛深巖禪定久攀蘿絕頂屐移難苦鋪露濕天疑雨風
 入林疎徑覺寒坐愛旋螺
 紋似髻捧來茗椀馥於蘭

龍津巖 在縣東廿七都

尖巖 在縣南四十里

煙蘿洞 在縣南五里景星山之西可容二十人惟石岬

奇紺碧舊傳有煙蘿子隱焉名勝志石下有泉一泓深

不可測趙抃蘇舜元汪大猷辛棄疾留題刻石今尚存

汪浩志趙抃題名尚可辨題云慶曆五年孟冬十八日

趙閱道同宗口叔及郎誠之謁此洞宋成綏志

明吳仲煙蘿洞詩石上白雲深洞口桃花碧丹成人不
 來千載空餘跡

國朝鍾定煙蘿洞詩山骨何年斲雲根此地栽相傳大隱

宅宛似小飛來洞古荒煙合泉流苻藻開昔賢題識處

拂拭剔殘莓鄭瑞麟烟蘿洞詩石溜涓涓出源頭活水長殘陽斜照

處明鏡一奩張對影鬚眉古迴波苻藻香老僧能煮茗飲罷腋生涼

接雲洞 在目連洞之巔卽步鰲山也僧近結庵節推姜

志禮榜曰江陽洞天天啟志

目連洞 在縣西二里明淨幽曠如覆石室瀑布聲響不

絕舊傳阿目捷連修行於此政和間掘得青提夫人碑

乃目連母也浙江通志 洞有明易做之題別是人間源頭

活水碧洞生春小洞天等額今洞中惟聞點滴之聲絕

無瀑布又目連徐東溪集作木連宋後叢談辨目連未

嘗入中國當是土人是也宋成綬志

國朝丁百川游目連洞詩飛錫何時駐洞天青提遺碣漫

流傳塵絲未盡休言佛樂處同尋勝學禪活水琤琮鳴

日夜空山迢遞入雲烟臨泉歧石忘歸去城郭蒼蒼暮靄邊

賓賜洞 在景星山下洞口頗窄中極寬敞凡五六層內

有石欄橫界杳黑不可測以石投之鏗然有聲秉炬照

之積水澄泓亦甚異天啟志

國朝王溥游賓賜洞詩南望凌虛愛景星攀躋頗覺逼青

冥乍逢僧舍評茶味更覓樵踪度石屏遠岸輕浮舟葉

深巖寒積水泠泠山花掩映塵容淨晞髮朝陽洞不

周瑛游賓賜洞詩攬葛徐登最上巔山山凝翠夕陽邊

一江帆影橫秋水十里松濤帶暮煙啼鳥似憐遊客倦

殘花偏墮酒盃妍閒來放眼賓賜頂心逐飛鴻沒遠天

王錦靈賓賜洞詩巉巖高插躡雲梯獨踞峯頭遠色低

一片寒江朝日上四圍碧樹曉禽啼鑿開幽窟甯無路

左坑洞知縣汪浩翁巖巖石層列洞曰左坑中有石佛

石泉石田石傘在焉一覽在縣北二十里巖洞六七

所至者如聽龍吟虎嘯歲旱則祈宋安定郡王趙令矜

名其洞顯應宏治府志初巖竇時聞樂聲居民尋聲而上

得嵌空數處環拱如帶巔有兩湧壁工巧絕倫因結庵

祀觀音大士有十景寶蓋石蓮花臺石觀音靜修巖跌

坐龕規月洞宿雲洞紙花石十丈屏洗鉢泉朱彩志

汪浩左窩記左窩在城西西北過方塘嶺迤邐南走里許

越溪而北數百武即窩之寶陀寺也歸然南向山脊勻

圓如彎弓脊下有泉一泓為取水雲禱處面山一峯如

香廬與寺門對峙最後為觀音閣閣後篔簹森翠鮮碧

仰視崑嶠瑰瑋萬狀常聞滴瀝聲不絕中石壁如太璞

兩旁有洞如艇深廣如之夏秋水竭可通人行壁高二

三丈許結為華蓋左壁有孤石秀削人立俗謂為大士

現身其間宙窅下垂疎密有度而玲瓏奇詭則固難以

言似為方珪為圓璧為馬面為象首為龍蛇之蛻骨為

元熊之蚌蛟為蛟虬之盤屈為龜鱉之踞伏為蜂房之

紫葍為荷衣之皺皺為楊枝之紛披為蛟人之灑泣為

武庫之戈鎧為龍宮之寶藏天工刻鏤鬼斧雕琢至矣

杜工部詩曰十日畫一水五日畫一石若此者十日五

日能之乎所惜以泉石勝賞處荒村野落為白葦黃茅

所湮沒而仙客騷人不聞托跡也

大唐洞 去左坑洞二里厯石磴下可坐數百餘人石床

丹竈具在旁開一竇執炬而入有石佛石獅石象石傘

石田田上有仙跡至深杳處石塞其門人不敢入天啟

汪浩大唐洞記左窩南有洞曰大唐唐者何詩曰中唐

有巖孔穎達曰唐堂下之門之徑也大唐者何廣大無

烏龍洞 在大陳西嶺洞口極狹歷級而下可容百人中
時也然則是洞果亦以此名乎洞口西向臨大道無林
巒爲洞標其秀無巖壑爲洞寫其幽無梵宮精舍爲洞
來高人逸士之憩賞自外觀之陋甚顧其大洞口也闔
不盈丈微有石坎側下不嫌陡險高可建五丈旗寬廣
可構五楹室二洞後微暗洞前朗徹無少蔽若夫夕陽
晚照霞彩遙映吾不知其閃爍何如也左折而南洞如
長廊深邃窈窕遊者必燃炬而入寬減前之八九高亦
及半下有水盈尺許土人謂夏秋則涸內有石羅漢石
馬石田石傘爭奇疊出特未知其所底遊者裹足不敢
前其爲氣也六月蕭瑟可披裘冬則蒸如南薰之時拂
彼陸處無屋水處無舟者不可借以禦冬耶余曩者客
西秦有羽士傷嚴寒之殺人歲備絮襖若干活十之六
七洎遊北土凍斃者耳不絕聞而存活難其人使若
洞數百參錯西北厥土陽剛冬夏燥烈不爲覆壓是懼
而寒凍得以棲息又奚啻少陵之廣厦千萬間耶噫乃
以有用之地在東南燥濕不時等于陷阱與千古負大
才而淪落者同嘆此亦造物之有感也夫

有石床石獅石傘

國朝汪日兩游烏龍洞詩烏龍何年化洞竟以龍傳石室
通幽處曠然復奧然石傘倚峭壁石獅吮巖泉長夏無
三伏冬衣不裝綿洞口
光遠發還窺小有天

青雲洞 在縣南二十五里中有龍居乾道間里人鑿石

偶得其穴蛻骨絕多宏治府志入洞門旁一石株立扣之

有聲稍進深處有怪石蜿蜒又進則一小穴僅尺餘莫

可觀矣天啟志

大嶺洞 在縣西二十里懸石如屋有石盤屈狀如龍下

有田炬而後入杳不可窮正德志

宋張貴謨游大嶺洞詩石屋結藻井石龍生玉鱗石田
如可種願作洞中人

風洞 風洞天將雨則風從中出江郎山志 俗名峽口洞臨

峽潭每下春時風從石竅出嗚嗚有聲潭水旋盪須臾披拂怒號門壁震動至日出乃已有風即晴無風即雨里人以此卜焉凡風所披處黍稻草木無不佳亦一異也天啟志

鐘鼓洞 在江郎三峯石右危石懸巖以挺叩之應如鐘鼓故名汪浩志

羅漢洞 縣東南六十里石門院前洞僅容一人入故老言往有施僧於茲者忽有僧自言羅漢院僧也受供脫隻履置洞口人不復見履跡猶存天啟志

有石床石獅石傘

國朝汪日丙游烏龍洞詩烏龍何年化洞竟以龍傳石室通幽處曠然復奧然石傘倚峭壁石獅吮巖泉長夏無三伏冬衣不裝綿洞口光遠發還窺小有天

青雲洞 在縣南二十五里中有龍居乾道間里人鑿石偶得其穴蛻骨絕多宏治府志 入洞門旁一石株立扣之

有聲稍進深處有怪石蜿蜒又進則一小穴僅尺餘莫可觀矣天啟志

大嶺洞 在縣西二十里懸石如屋有石盤屈狀如龍下有田炬而後入杳不可窮正德志

宋張貴謨游大嶺洞詩石屋結藻井石龍生玉鱗石田如可種願作洞中人

風洞 風洞天將雨則風從中出江郎山志 俗名峽口洞臨

峽潭每下春時風從石竅出嗚嗚有聲潭水旋盪須臾披拂怒號門壁震動至日出乃已有風即晴無風即雨里人以此卜焉凡風所披處黍稻草木無不佳亦一異也天啟志

鐘鼓洞 在江郎三峯石右危石懸巖以槌叩之應如鐘鼓故名汪浩志

羅漢洞 縣東南六十里石門院前洞僅容一人入故老言往有施僧於茲者忽有僧自言羅漢院僧也受供脫隻履置洞口入不復見履跡猶存天啟志

覆螺洞 在縣南三十五里以形似故名夜有僧入此不知所之里人聞有樂音歲輒稔前有高僧結庵邑人禱祠甚重之汪浩志

歸順洞 江泉洞 二洞皆在崇善鄉洞分左右深莫測惟石林立老藤垂蔓春夏泉流不竭旱為禱雨之處天啟志

石龍洞 在百花巖宋成綬志
徐霞客遊記 白花巖環轉而左為裡山庵由裡山越高岡兩重轉下山之陽右為梨尖頂左有石龍洞同導僧砍木通道扳亂磧而上霧滃棘鋸帶石籠崖猶惡如奇鬼穿鏃透峽窈窕者益之詭而藏其險吼噪者益之險而斂其高如是二里樹底睨峭嶂扳踞其內有夾壁離立僅尺上下如一似所謂一線天者不知其通頂所由

也乃焚火篝燈匍匐人一罅罅夾立而高亦似外之一
 線天第外則頂開而明此上合而暗初入其合處猶竅
 一二深入則全黑矣其下水流沙底濡足而平中道有
 片石如舌上吐直豎夾中高僅三尺兩旁貼於洞壁愈夾
 既東肩石復當胸無可攀踐踰之甚艱再入兩壁愈夾
 肩不能容側身而進又有石片如前阻其隘口高倍之
 予不能登導僧援之既登僧復不能下脫衣宛轉久乃
 下子猶側仵石上亦脫衣奮力僧從石下掖之遂得入
 其內壁少舒可平肩水較泓深所稱龍池也仰睇其上
 高不見頂而石龍從夾壁盡處懸崖直下洞中石色皆
 赭黃而此石獨白石色煥礪成鱗甲遂以龍神之石隘
 處上逼下碍入之自上懸身而墜其勢猶順出則自下
 側身以透胸與背皆貼切於兩壁膝復不能屈伸石質
 刺膚前後莫可懸接每度一人急之愈固幾恐其與為
 一也既出
 歡若更生

茅石岡 江郎山之旁為茅石岡 衢州府志

國朝鄒祇謨偕茅韞石遊茅石岡詩茅石岡頭行幾曲古
 木千章向人綠會當行盡須江山獨到此岡看不足犀

株玉笏爭相高當天赤日風蕭颺蒼髯盡作蛟龍攫誤
 認灘聲激怒濤小山叢桂紛如織仙人月裏當年植傳
 聞桂子落還生天香有種無人識人間得此碧玉岑山
 水何必高且深飛泉滴翠遞相送支笻負笠能長吟瀟
 灑風流屬好友笑指提壺勸盃酒日
 落岡頭惆悵歸昨宵猛虎巖前吼

大溪 一名鹿溪亦曰鹿頭溪即古澗水又名須江漢志

太末縣有澗水東北至錢唐人江元和志澗水在須江
 縣東南一里舊志源出仙霞諸嶺匯流至清湖渡始通
 舟楫北逕城下又東北十八里而為大溪灘舊有浮橋
 一名渡江頭為縣境之衝又東北入西安縣為衢港 浙

通志
 宋陸游鹿溪詩堪笑行人日日忙又扶衰病過浮梁灘
 流急處水禽下桑葉空時村酒香枯卉敢懷貪雨露饑

鴻自欄犯風霜宦途商畧無安處早晚歸耕剡曲旁
明米雲卿澱水移家詩移家東郭十年前東郭移家又
十年盡割煙蘿還地主遙驅鷄犬下江船生非弱草何
須土行若高雲不繫天已斷因緣去來想浮踪那得受
人憐

國朝鍾定鹿溪晚泊詩青山隔岸鹿溪長嘉樹濃陰透晚
涼灘激聲高星影動
夜來猶有蕙風香

文溪 在禮賢鎮之西發源有四一自石鼓山一自廣源

一自廣嶺永豐之後洋一自括蒼之半桃山至鎮瀝為

是溪宏治府志在縣西三十五里出縣南九十里石鼓山

又合四境羣山之水瀝為一溪北流入常山縣與金川

會復折而東南入西安縣界方輿紀要

元戴叔良訪止公於文溪詩杖錫游茲地過從動隔年
已無離別思那有去來緣心事青山外禪機白日前偶

來非道意敢
借慧燈燃

染口溪 在縣東南十里自遂昌縣流入界合於大溪方輿紀要

紀要 水由括蒼來至界內分而西過夏步入於溪汪浩志

逸溪 舊名吉溪又名搭溪在縣北二十五里亦入大溪

衢州府志

三橋溪 在縣北二里自常山縣別而東過松山下東入

於大溪衢州府志

崧溪 在長臺合小普尾源頭秀峯諸水注為是溪天啟志

青草洲 縣境有青草洲郡國志由鄱陽郡東南至須江

青草洲七百五十里方輿紀要

妙蓮洲 在縣東長里許雙溪鹿溪二水左右環抱洲如

蓮葉浮水面

宋成
綬志

濟井潭 在縣東南六十里方而深外限橫石舊傳有樵

子溺已三日其家求弗得忽從水中出自言見大官府

有雪髯者居之命一鬼吏送之還紹興乙卯投鐵符大

雷電晦暝怒濤湧一青石方廣丈餘疑神龍之窟宅云

天啟
志

百祐潭 在縣北六里舊名白渡傳有龍穴

汪浩
志

巖頭潭 在縣東北十二里峭石嶙峋下有龍穴漁人言

中石佛端坐早禱輒應

汪浩
志

石魁潭 縣北二十五里巨石峙立如魁故名慶元丙辰

有雲中起龍隨之去萬曆丁亥大水出惟石橫踞中流

明年登賢書者三人咸以為瑞因採石厯有嚴禁

汪浩
志

板尾潭 在縣南三十里中有小石巖漁人沒而入見有

物如白羊驚悸而出後遂無敢漁者乾道四年巨浸沙

石堙之今止餘涓流早禱投以楮鏹湛雨即至

汪浩
志

古廣潭 在縣南四十五里極深不可測

汪浩
志

石臼潭 在縣南三十五里潭上有片石方二丈餘有坎

如臼僅二尺

明統
志

汪浩
志

舊志作石春潭今據明統志改正

牛口潭 在縣南六十里深不可測大風時起其間 明統志

石印潭 在秀峯菴後潭中有石如印故名 汪浩志

龍潭 在縣東一里旱則雩之 汪浩志

平坦湖 在縣北二十里湖長里許可資灌溉饒魚鰕菱

英 宋成緩志

烏木灘 縣東二里 汪浩志

國朝周遐祚泊烏木灘詩放艇十山裏維舟一水偏星河
高夜氣松竹動秋煙沙鳥連陰聚村春背郭傳平生遊
歷地凝眺亦淒然

航頭灘 縣北二十五里亦名渡船頭 汪浩志

國朝桑調元渡船頭詩綠江細徑斷煙限一艇橫涉灘界
輿上截流安不傾鷺奔灣洄白麥映陂陀青中洲桂櫂

疾隔岸烟蕪平雨歇僕行健草屨黏沙輕湖村喜相接
曠然心跡清

蔣鍾曉過航頭點絳唇詞沙軟風柔一溪春水明於鏡
曉鴻橫陣小艇臨流迅行遍隄南微露花頭澗前村

近酒甯斜趁
有客來相問

大溪灘 縣北二十里 汪浩志

采陸游大溪灘折梅詩溪流亂石似牛毛雨過狂瀾勢
轉豪寄語河公莫作戲從來忠信任風濤 暮江初漲

浪翻狂一葉輕舟泛渺茫我愧人非跛男子安能與世
作津梁

國朝鄭恒平過大溪灘詩綠陰遮不斷半壁隱人家滿樹
鶯鶯白錯疑瓊玉華將軍昔經武逸馬此擒拏惆悵鄰

氛熾何時息鼓笳按第三韻自註平浙紀畧耿逆反
賊將馬九玉踞衛大溪灘平南將軍大敗之

溪頭山灘 縣北三十五里溪或作鷄亦作磯 汪浩志

國朝方煌晚過磯頭山訪友臨江仙詞畫橈容與輕於葉
一溪流水明霞廻波泊岸漾晴沙野棠開後尙剩數枝

花 戍 鼓 欲 催 天 漸 晚 酒 帘 風 動 微 斜 小
山 斷 處 有 人 家 獸 環 低 叩 驚 起 夜 棲 鴉

苦竹灘 縣南五十里

老虎灘 縣南三十里

大懶灘 縣東十里

縣前灘 縣東門外

英岸灘 縣南五十里

秤鈎橫 縣南十五里

小懶灘 縣東八里

下埠灘 縣東一里

